


絲部



新輯仕學大業卷之三目錄

三泐 屏照堂主人彙纂

咨移 議催商覆會札類附

○ ○ ○ 咨兵部

平西王

○ ○ ○ 咨兵部

平西王

○ ○ ○ 咨戶部議興屯事宜

江西 蔡魁吾 諱士英 遼東人

○ ○ ○ 咨戶部議墾屯田

蔡魁吾

○ ○ ○ 咨昂邦會示東兵

朱雲門

○ ○ ○ 咨江南督撫請弛邊糴

朱雲門

○ ○ ○ 咨會廣撫

蔡魁吾

○ ○ ○ 移金鎮會勦山寇

按吳秦瑞寰

○ ○ ○ 移提督犒賞戍卒

浙江佟雁白 諱國器

○ ○ ○ 移九江關

兩淮李公弼 諱贊元

○ ○ ○ 移總漕

兩淮胡道南 諱文學

○ ○ ○ 覆總漕會商漕帶經費

朱雲門

○ ○ ○ 覆將軍請禁投營

朱雲門

○ ○ ○ 覆水師提督修造戰船

朱雲門

○ ○ ○ 議建八旗營房

朱雲門

○ ○ ○ 催完勘劄事件

秦瑞寰

○ ○ ○ 商招撫機官

蔡魁吾

新輯社學大業卷之三

咨兵部

平西王

為查取應叙官員事准貴部咨前事內開凡副將以下守備以

上前關門對壘有功各據寔詳開送部以憑覆叙等因備咨在

案准此勘得本年四月內逆關馬步數十萬長驅窺關本藩忠

義激昂誓不與賊俱生父母家身舉置度外不待言矣仍多方

鼓舞聯絡所幸遼鎮文武官兵同心僇力倡之於前而關門各

三淵

犀照堂主人彙纂



咨兵部

任學... 卷三
將士並能協和鼓勵應之於後四月二十一二兩日戰者守者均矢肝腦塗地之心用能摧堅破壘淨掃妖氛此一役也立肇造大定之基撥厥勳勞良非淺鮮今貴部移咨覆叙本藩轉行確察據各鎮協冊報前來謹備冊咨送內如總兵何進忠捐軀突陣血功特懋應與格外酌異此外如副將楊坤遊擊郭雲龍參將孫文煥効力最多並應優異叙陞又如監紀同知童達行陳全國摧鋒借箸以文吏而兼武弁之勞其功更難泯滅業經揭送內院轉送吏部擬與優加京銜在案茲特再為拈出用徵破格陞賚之

聖恩內又查遊擊魯澄副將程時登夏登仕胡亮保關禦寇宣力並著而登仕胡亮當關門撫道投賊求生之時獨能同擊戰守忠義可嘉且四弁智勇兼資俱屬有用之才今俱置之空閑之地更覺可惜天造草昧需人孔亟查缺優補亦以酌前勵後之道也統祈貴部立為優酌擢用施行

卷三 咨兵部

韓觀堂

○○○又咨兵部

為叙功事准貴部咨內開云云等因准此為照我

平西王

國家應天順人定鼎燕京不期月間率土來王已成車書一統

之治撥厥始基寔肇造於闕門之一戰而慶都之追勦觸暑星

馳摧鋒陷陣亦屬不可泯之勞動本藩謬荷

天恩已叨王爵矣顧一時同心戮力共成厥功者查遼鎮文武

將吏諸生近千有餘員其間有同謀歸命者有遠請王師者

有當先迎駕者有陷陣先登者有効死守堞者又有以一身

而兼任數勞者雖功有大小秩有崇卑其歸命投誠以宣力於

仕學人... 朝廷策勳於開創則一也計功行賞均宜勿沐榮褒第念陞龍
珠恩不敢多冒前本藩就文武將吏中核其功績之尤彰彰較
著者造冊先咨貴部用徵不次之賞其稍遜於此者政在另冊
咨請此皆本藩特疏奏明奉有速與酌議之俞旨前咨內預
行拈出在案今獲准貴部移咨欲本藩分別同謀先迎與戰守
各款項具似其難其慎不僭不濫之至意查當日同謀歸命又
兼監督戰守者則同知童達行也前冊另款開列矣又遠請
王師併兼任戰守者則副將楊坤郭雲龍孫文煥也前冊亦另
款開列矣此外冊開之總兵副參遊都守二百四十八員同知

參謀三員則皆順天歸命先登血戰應居首功者也至云某年
日某地戰守此在
心悉本藩不敢贅陳以滋瑣屑若夫各官之職銜文武大小本
藩一照各官歷題寔銜分別開列間有與部冊不符者亦係本
藩劉加蓋當日明祚斬絕本藩總統兩鎮值人心皇皇靡定之
秋欲其與本藩同肝膽而歸順清朝捨性命以捍禦逆闖倘
非動以冀外之功名萬萬不能有濟由今追溯成功之機全賴
此着本藩不得不中說明白仰邀同仁之一視也總之關門
慶都之役人人用命戰倖寔戰功係寔功况開國首功又與

卷三 又咨兵部 四

他尋常戰守之功大有分別破格陞聚賞一勸百關係重大貴
部必能見及於此矣除續叙有功各官應加流銜者另冊送叙
外今再備造文武清冊二本擬令回覆為此合咨前去貴部煩
照咨開事理立賜題覆應與優陞世聚撰給勅書者即與世
襲勅書文職應超等擢用者即與轉咨吏部超等擢用施行
叙咨類多堆積一咨以流宕出之可為定式且荷陳當日
情形歷歷如繪具見開國元功自有碩畫淵謀非僅得
時乘勢

○客戶部議興屯事宜

江西蔡魁吾諱東人

據江西興屯道副使翟鳳翥會詳前事等因呈詳

到部院據此為照荒蕪田畝奉旨興屯復撥屯本台民間

墾誠為百世之良法凡有主荒蕪召民耕種不領牛種者三年

之後照例起科無容再贖矣其有民無資本官給牛種耕種者

分收籽粒原疏之中開載三分取一今屯道慮歲有豐餘難於

一例或於每歲收成之際聽屯官履勘抽勘取一二以為則例

不論開之多寡歲之豐儉遇有收穫初年二年則取三分之一

三年則取其半至於屯本或即在三年分租之內取還或另為

追補必須有畫一之規也○查照原疏○中有民無工本願行承種者○給以催值○但惠散而無統○必須立一屯長○統率○照依民間計工授食○而計工授食之費○又有難與部議相符者○部議每項約用屯本銀三十兩○此就北方易墾之土而言○若江右田多○既倍器具○復煩累而計之○所用屯本○有三倍於部議者矣○屯本既費不貲○所收之租○擬除十分之一○以給屯長○外其餘盡收入官○以償屯本○是亦通變之議也○但三年之後○田皆成熟○此田或給屯長○屯民為業○止追還原給屯本○責以照例墾科○乎抑或承

作官屯○歲歲催人耕種乎○是又不可不預請定程也○至於開荒畝○給屯本及收租積穀等事○見行嚴督屯道廳○加意料理○不遺餘力○俟歲終造冊彙報○外今據該道會詳前來○合就咨達○云

卷三 咨戶部 六 卓觀堂

○客戶部議墾屯田

江西蔡魁吾謹上英

據江西布政司會詳內稱順治某年月日承戶部照會內開

興屯一事等因題奉

聖旨是巧取熟地以當開荒強派各里以色屯課此等情弊誠

宜預杜○必須分別官地民地方免侵擾依議嚴飭行欽此欽遵

抄出到部擬令就○行○云○等因奉此隨經移會興屯道酌議去

後今准本道看議列司該本司漫看詳到部院據此為照地土

奉旨分別官民使熟地○絕○隱○糧○之○弊○真○荒○無○色○賠○之○苦○裕○國○甦

民誠為盡善○但以見在納糧與未納糧為之分別官民二項今

江省荒畝之中有已經民力開墾者照例三年之後方行起科
 但荒土雖闢糧尚未納民已費盡血力方恃有此恒產一旦造
 作官地此萬不能堪且見在召民續墾者自備牛種開耕無論
 有主無主似宜造入民地項下可無容議若以未納錢糧必為
 官地特來徠歸子遺又何所依以立命嗟此殘民既無故土之
 可思勢必聚散無常欲使民之生聚其可得乎此民情利病之
 所關不得不為計及也今據司道會議凡民間有主荒田百姓
 自認某年開墾照依年限納糧及無主荒田或附近百姓招徠
 人民自備牛種開墾者俱為民地其無主無人承墾并有主再
 限三年之後力不能墾者俱作官地庶使民仍戀其故土速於
 歸業盡力開耕數年之間自可廣墾此開荒之中寓招撫之法
 似屬善議况此冊一定百世難移且關係進呈
 榔覽豈敢草率造報徒滋日後瑣陳懇請貴部軫念殘疆俯准
 如議分別既清造報方確特賜明示得以遵行今據該司呈詳
 前來合就咨達為此合咨貴部煩請查照速賜咨覆施行
 前咨初墾定議周詳後咨成屯條陳乞協令古屯田不越
 于是比之克國皇屯十二事尤為簡便

○ ○ ○ 咨昂邦會示東兵

浙撫部院朱雲門高唐人

為悍兵飛害急救民殍事據杭嚴道熊僉事呈稱云等目到

院據此為照浙民頻罹水旱更兼兵燹之餘雖竭力調劑尚難

存活亦久在鑿中無容贅述是以荷蒙貴總管念切民瘼

屢經會銜出示禁約弁兵此誠惜民至意不惟窮黎頂祝弘慈

即本院亦感附同舟不淺近有無知悍卒咸以倒斃病馬為由

乘機勒索靴鞋靴赤子哀籲難堪合亟咨明惟祈貴總管威靈

繕給一示挈銜禁約移送過院以憑印鈐張掛庶弁兵畏法斂

跡則貴總管澤民之德更為丕著矣為此合咨貴總管煩

士學大集 卷三 咨昂邦會 尊親堂

為查照施行

借○牧○厲○民○驅○瘦○瘠○勒○在○在○有○之○若○能○成○為○緩○頽○寔○為○一○路○
福○星○讀○此○知○公○之○大○仔○肩○也○

○督撫○咨○江○南○請○弛○過○糶

浙撫○部○院○朱○雲○門○高○唐○人

為○懇○詳○通○禁○荒○商○全○活○百○萬○生○靈○事○據○浙○江○杭○州○府○呈○稱

等○因○到○院○據○此○為○照○浙○省○頻○罹○兵○燹○更○兼○水○旱○之○餘○米○價○騰○貴

十○倍○於○昔○億○萬○生○靈○有○向○隅○之○悲○懸○釜○之○急○嗷○嗷○待○哺○誠○難○以

筆○楮○罄○也○當○此○之○際○惟○冀○隣○封○通○商○接○濟○以○資○民○食○通○來

貴○屬○各○郡○禁○商○過○糶○在○在○俱○然○夫○商○賈○既○絕○則○貿○易○不○通○貿○易

不○通○則○民○生○何○賴○將○見○兩○浙○殘○黎○必○填○溝○壑○然○率○土○之○民○俱○屬

朝○廷○赤○子○原○無○彼○疆○此○界○之○分○惟○祈○貴○部○院○通○飭○所○屬○開○禁

疏○通○使○商○賈○照○常○興○販○務○期○源○源○接○濟○庶○全○浙○生○民○均○沐○含○鼓

之休出自
貴部院煩為查照立賜示覆施行

肫切簡摯要言不繁

移會廣撫

江西蔡魁吾
部撫
遼東人

貴院功苑百粵澤被二南弟幸托鄰封如額何極頃兩接部咨

江省運米百粵前後共十萬石莫非

王事豈憚勤勞然其中有極苦極難之情不得不為貴院陳

者江民落落子遺想久在鑿憐中自無容煩瀆但部文以贛之

南北貴本部院與度部院分任自贛而北水運則有十八險灘

其深者淵潛怪石其淺者沙淤渚底牽挽之舟十多九損自贛

而南陸運則有庾嶺棹天鳥道絕徑一夫負米不過二三斗計

十萬之糧應用人夫定須三四十萬眾非曠日持久不能得達

猶憶往年運粵餉二萬石江民已自死亡枕籍至今言之色怖
茲米又數倍於前民間一聞是言保以甫集之哀鴻解不鳥驚
歎散也乎即欲盡驅之於運解保無嗚榛骨葬也乎本部院自
接部咨以來分派督催米數亦易辦也惟一計及運米之人不
覺形神交喪口喏而不能喻矣近聞粵中米價亦平此時方值
西成意株買正自可充本部院欲差員輕齎米價曲求改折就
近給買在粵中止在得米固不必論其為粵為江也惟貴院
慈祥天植澤遍九垓本部院是以大聲疾呼為江省數十萬之
衆請命於仁人長者之前伏乞大賜主持將所撥之米俞從

改折已致啟於兩藩仍希婉為周全務祈必允早賜批示
本部院即動現在藩帑星夜齎解赴粵購給在粵餉無虧於毫
末而為時復速在江省則受福直與天地同高深矣今歲江省
米價不過一兩本部院會議司道統酌副耗脚價寬計以每石
二兩貴院相晤時若規其已允便托至幸若兩藩仍有難
色或就中量加同不惟命總恃曲為玉成則施惠於江民即施
惠於本部院與度部院矣
以委婉行其愷切情文兼至札體為移會又是一式也

移會廣撫
卓觀堂

○○○移金鎮會勦山寇

浙江秦瑞寰
諱世禎

為軍務事查照衢寇屯聚出沒於洋溪五福港洋坑大黃連諸

嶺谷等處殺劫猖獗祇緣三府地界交通將弁互相觀望以致

狡賊遂得往來剽劫南驅北遁東擊西走勦捕終不奏功目今

田禾遍野百姓不敢入山收穫若不乘時會兵撲勦將來盡齋

盜糧為此除檄令衢協從毛村翁源等處進兵處協從柘木嚴

剽等處進兵外檄令移會貴鎮即選良將統帶勁兵從靈山高

坪等處而進期約衢慶將官會師於洋溪源洪公巢諸處搗賊

巢穴但賊窟頗多所到之處須分騎搜山頓兵遍索弗疾馳竟

過○致○賊○左○右○藏○匿○又○弗○輕○率○旋○師○致○賊○暫○潛○漫○出○務○宜○見○賊○則○
勦○不○見○賊○則○屯○令○死○賊○困○於○山○谷○惟○恐○我○兵○見○其○烽○烟○晨○夕○不○
敢○舉○燬○惟○恐○我○兵○遇○而○捕○獲○不○敢○間○出○遊○掠○寇○無○蓄○積○又○無○掠○
取○將○來○餒○斃○過○半○偵○探○賊○之○羣○而○出○者○星○馳○齧○之○賊○之○零○星○出○
者○分○兵○禱○之○務○期○掃○蕩○渠○魁○殲○滅○遠○孽○懋○著○厥○功○本○院○將○特○疏○
上○聞○用○彰○貴○鎮○偉○績○仍○祈○嚴○飭○將○領○戒○諭○兵○丁○不○得○騷○擾○百○姓○
殺○害○善○良○及○觀○望○不○前○坐○失○事○機○出○師○日○期○希○先○移○履○施○行○
凡○諭○將○士○出○兵○未○段○必○不○可○少○

○移提督犒賞戍卒

浙江 巡撫 佟 淮 白 遼 東 人

為○軍○務○事○照○得○定○關○戍○卒○又○著○勤○勞○本○院○視○師○海○上○理○應○犒○賞○
以○示○鼓○勵○謹○損○俸○銀○三○百○兩○齋○送○貴○提○督○煩○為○分○別○賞○勞○使○
各○沾○微○澤○第○為○數○寥寥○難○備○推○牛○之○用○不○過○憫○其○勞○瘁○少○效○投○
醪○之○意○云○耳○擬○合○移○會○為○此○合○用○手○本○前○去○貴○提○督○煩○為○查○
照○驗○收○施○行○

先生三任撫軍名鵬克棟但無刊集款見無由得二作以

志一班

公撫吾浙遺愛貞珉乃著作為吉光片羽所謂清畏人知

○○○移九江關

兩淮鹽院李公弼諱贊元山東人

為移會事照得兩淮鹽賦甲於天下歲額一百七十八萬本院

受事後徹底清查方知從前補救皆是剗內醫瘡况經海氛蹂

躪之餘蹉務廢弛之極論其引鹽停壓二三經論其謀餉又通

欠百有餘萬目今設法徵比旬日之內可完三四十萬以濟楚

粵滇南秦關各省軍需其從前一一弊竇俱經特疏奏

聞種種陋規見在通行禁革冀稍甦商困萬一茲當江掣在即

據各商紛紛赴懇悉以過關為慮本院察其情詞感戴貴部之

廉明無私不待言矣第所懼者奸棍積弊冒充衙門名色增派

苛費不一而足困苦疲商何以堪此祈貴部嚴查諸奸痛革積
弊凡商船抵關令當堂完納正料填明簿冊即便放行庶商人
省一分旁費即解為朝廷足一分額輸其公私利賴無窮矣相應移會為此合用手
本前去貴部煩為查照施行
從方移推類多直率獨以吳宛出之知公愛護之切

○移總漕

為嚴飭回空夾帶疏商裕課事照得糧艘運丁招納亡命每

兩淮鹽院胡道南浙江人

於天津直沽等處收買晒鹽揚帆南下順流江廣巡鹽官役多
因糧艘重務不敢羈留盤詰明知不問以致連檣販賣江楚遍
售城市在之前院慮難禁遏特具疏題請嚴飭沿河

一帶地方道府鎮將不時盤驗臨經通行在案茲今回空屆期
非藉貴部院威靈檄行各屬嚴飭運官加意搜盤誠恐此輩利
令智昏故輒不改有妨益政為此云煩為嚴飭一帶駐防官
兵道府州縣如遇糧艘回空上緊巡緝庶私販稍知斂跡官引

易子疏銷 國諫幸甚商民幸甚

覆總漕會商漕帶經費

浙撫朱雲門 高唐人

為漕艘減存既多民船催募滋費等事等准 貴部院咨開云

云等因到部院准此為照嘉湖二府乾運白糧向因原編經費

額數不敷該道府縣不得不議加派累民屢據士民紛紛告苦

本院目擊加派倍於正額是以前經具有直陳白糧經費移派

之弊一疏具題漕帶部未允行去各復准 戶部議覆科疏

條陳白糧請用減存漕艘裝載起運條陳五便 部仰確查果

否節省有無累民咨令查明具題奉行

俞旨本部院身在地方既知民間加派苦累自當設法調劑故

覆總漕

照順治十一年漕船帶白成例酌量損益少甦民困節次駁行
糧道條議井井臚列具詳前經借擬小稿借重台銜會疏具
題其間節省行月減免新加公私利益情形已悉疏內不復再
贅今准大咨總總過慮誠為詳慎然茲畧舉其槩言之如謂
預徵經費一項恐不能一呼即應查每年額編經費例於本年
十月開徵隨糧徵足即應給發領運官後以副冬兌冬行之限
此相沿成規也若候部議漕帶兌日即是徵銀之候審令各
縣先解造船經費不難呼應原非今年預徵明年之賦致有拖
欠明矣又謂漕船嚴禁倍載一項今查浙省漕船歲造補造原

有額銀該道議將新運白糧船隻應添六十餘隻派於各縣新
加經費內照數協造之外又於漕運項下淺貢減存銀內另議
補造歲額不足船隻則較今歲起運漕船增造一百二十餘隻
矣似可無慮倍載之事也至於選官僉丁鑽營之弊在貴部
院釐奸剔蠹嚴飭有素該管各官量亦未敢僉選徇私也總之
白糧漕帶之議前人行之數年減費恤民具有成效本部院目
據士民呈告加沐重困適又准部咨確查果否節省從
國計民生起見故備陳入
告聽部議奪非敢膠執創議必以為可也茲承貴部院稟
計

獎○虛○懷○下○詢○甚○荷○同○舟○之○誼○自○當○祇○遵○惜○前○疏○業○於○本○年○四
 月○十○二○拜○發○說○俟○有○部○覆○之○日○另○文○咨○會○統○聽○貴○部○院
 主○裁○定○奪○可○也○今○准○前○回○相○應○咨○覆○為○此○合○咨○貴○部○院○煩○請
 查○照○施○行
 議○皆○經○國○語○必○郵○民○求○之○古○今○名○臣○集○中○亦○不○多○得

矣○以○下○無○慮○毋○虞
 蘇○趙○嶽○不○取○諫○其○他○紳○令○身
 費○內○然○幾○湖○盡○一○水○七○折○斷○取○下○矣○資○派○再○舉○內○亦○議
 查○照○施○行

○覆將軍請禁投營

為移會事准

貴將軍咨開

云○等○回○到○院○准○此○為○照○滿○川○契

浙撫 朱雲門 諱 高 唐 人

買僕人以徭驅使原屬濟貧良法但有等奸民或侵蝕

國帑抵償無術或為盜賊窩線事敗俱誅因而情急影射捏稱

賣鬻無門營幹投旗希圖漏網縣令不察為彼欺誑旗主為之

朦蔽迨後事發彼以投旗為護符滋弊長奸莫可究詰是以本

院飭行所屬除真寔窮民孤寒迫切者取有鄰佑親族甘結該

縣印官方可用印給照則奸徒影射之弊一清而貴將軍濟

貧之德益著且與科垣條議之疏不背矣此後願投各旗賣

身文契仍請 貴將軍核明逐件不時移會本院轉發各該印
官取具左右鄰人甘結將契用印繳院以憑轉咨 貴將軍發
與各旗本主收執廢無前項奸弊叨死同身誠非淺矣今准前
目相應咨覆為此合咨 貴將軍煩為查照施行
無分鉅細必為透徹言之政如陸宣公諸議無一懈節

○覆水師提督修造戰船

浙撫 朱雲門 諱祚昌 部院 高唐人

為欽奉

上諭事三月二十三日准

貴提督咨開

云 等因到院准此

為照修造戰船海防急務誠不容湏更緩也查順治十三年以
前節次具 題修造各區大船隻如採辦物料兼督工程文武
各官各有司存原自分任歷有成例未嘗偏累致滋謬誤也自
當聽 部院疏 請應動何項錢糧至日循例遴委能幹官員
辦料鳩工刻期事集似不難速於告竣至王同知援引十六年
修造之議欲派八府有司辦運料物真不知今昔緩急及從前

貽累官民之苦也。本院近據藩司詳請。題銷當年所派八府。興修船工價值共費二十七萬有奇。今止核實三分之一。內部尚以為浮。猶在議減。將來必為官民大累。恐無已時。前日詰其濫費根由。總緣八府屬縣各官不能親自運料。又以越江過壩致費用多端。或擅支正項。無抵或私派民間。賠累種種苛索。不一而足。如烏程遂安諸縣。三令見為省中糾參。尚未結案。此般鑿不遠。詎可援以為例也。至查往年修造各船工料。尚未銷筭。船隻旋報損壞。各營請修。接踵見告。皆緣昔日禁旅雲集。坐待出洋。需船緊急。承造各官。祇知軍令可畏。將新伐樹木。隨到

隨辦材料。生濕則船難經。又曾未幾時。板裂釘露。勢所必然。此苟圖速竣。以致糜費。國家無限金錢。徒累民間。幾許筋力。誠無寔濟于軍需也。今番修估各船事。執緩急較昔不同。斷宜首重木料。責任宜循舊章。俾從容採用。協力興修。庶戰艦俱得堅固。錢糧可稱寔用矣。素仰貴提督久歷海邦。軍民利害靡不

周知。茲荷

新命。節制全浙水師。封疆大計。且自有良籌。豈管窺可測。且事在部院為政。又無俟本院之贊辭也。今准前日相應咨覆。為

此合咨。貴提督煩為查照施行。

卷三 覆水提督

十一

卓觀堂

條晰前發利弊知列習可垂金鑑

議建八旗營房

浙江巡撫朱雲門高唐人

為撥給房屋事准戶部咨前事內開照得八旗八箇佐領初

往杭城駐防其所住房屋於滿洲官兵餘剩房屋酌量撥給若

滿營房屋不足於先駐防滿洲連邊側近處所酌量撥給居住

撥房之時會同該督撫鎮守將軍公同撥給等因准此為照八

旗佐領奉

旨赴浙駐防住劄房屋應照部文撥給備查滿營去廣兵丁

所存房屋無幾勢難安插本將軍鎮浙以來念杭民六次播遷

一枝莫寄宵啼露處之悲瑣尾流離之狀目擊凋殘補救無術

惻然傷之遂會同總督部院趙副都統雅陳公同酌議
徧查滿城並無堪以官居餘房若將連邊側近處所酌量撥給
使百姓遷徙失所又心竊不忍因從地方民生起見於是念及
滿營尚有隙地堪以創造永為經久然所需工料浩繁費無所
出欲令諸有司捐助除俸祿養廉之外宦橐蕭然不能周給輒
轉思維寔慶萬難之勢本院同司道府縣延集省會鄉紳王顧
戴諸公暨進士舉貢三學生員鄉約糧耆里老於明倫堂從
長商酌期於衆議無同始克聚材鳩工幸各縉紳士夫慮周桑
梓咸願各為倡助首肯認里勸輸共襄盛舉并令仁錢二縣置

立文簿酌里分大小以定捐輸之數日登簿數里聽民樂助
毋事強求誠為衆擊易舉一勞永逸之謨除給示曉諭外合行
置簿為此簿仰士民人等知悉凡爾百姓當念以前團沽失業
之苦體諒本將軍本院力為爾等安棲之計務各互相勸勉
量力捐輸以濟急需乃見好義急公至每里有鄉紳者已令兩
縣印官敦請鄉紳主其事如無鄉紳里分則令於袍主其事如
無於袍則令鄉約糧耆里老主其事各將所輸銀兩登簿送縣
該縣彙冊同原簿一併報院以憑核明特疏具題以示優異
如貧窶小民單寒無倚經紀起食等戶不得一槩強其輸助致

滋紛擾

讀至六次播遷一段○散淚俱下○奉文酌撥○委曲圖維○
當事之俯籌先達之仰辭士庶之樂輸誠為一舉而三善
備焉

○○○催完勘劄事件 刑類

江南秦瑞寰 諱世楨 遼東人

為丞催未完

欽件事奉 都察院勘劄准刑部咨江南司案呈卷查奉

旨科抄事件隨經咨行該督撫按提問去後屢經嚴催迄今未

見具覆而承問各官置若罔聞但

欽件久延是誰之咎若不請咨嚴催積案何日得清相應勒限

再催查結

欽件內部責成本院本院轉督監司自應隨到隨審隨即招解

以結

上

卷

催完勘劄

上

見

欽○件○夫○何○怠○玩○成○習○呼○應○不○靈○無○論○重○輕○置○之○高○閣○或○越○數○月○
方○行○提○問○再○越○數○月○而○始○呈○詳○一○行○一○詳○就○是○半○載○其○間○情○罪○
安○保○其○允○協○而○無○駁○乎○是○以○有○遲○至○數○年○未○結○者○揆○其○稽○遲○之○
由○非○問○官○之○徇○情○瞻○顧○即○經○承○之○受○賄○故○延○本○院○所○深○悉○者○今○
部○文○如○此○嚴○切○難○以○再○延○合○行○嚴○催○為○此○牌○行○該○道○查○照○部○
文○事○理○即○將○單○開○各○案○火○速○交○起○躬○親○查○理○提○問○究○擬○分○別○解○
詳○以○憑○爰○審○會○奏○本○院○只○以○一○催○如○十○日○不○解○不○詳○怠○玩○如○
故○即○據○寔○指○參○經○承○嚴○提○究○誠○重○治○必○不○甘○以○一○身○為○人○受○過○
慎○之○思○之○

奉○勘○
致○稽○延○

欽○件○上○下○首○開○考○成○不○可○不○為○速○結○備○登○省○察○無○

○ 煙 詐 此

○ 卒 忠

煙於上可首開去必不可下燕趙燕爵登亦察無

○ ○ ○ 招撫機宜 ○ ○ ○ 陞覽行間報文知山寇近况○ 悉其狡詐狂妄○ 已被陳將一語道

破○ 但其就撫○ 緩○ 剿○ 捨○ 近○ 圖○ 遠○ 其中奸謀○ 不但欲慢我○ 改擊之心○

且欲散我○ 會○ 剿之局○ 賊見浙將○ 近時同舟○ 稍分秦越○ 山鬼伎倆○

即欲乘此○ 隙而入○ 所以投書○ 投稟○ 樂○ 統浙撫○ 且極言○ 毫李之惡○

終不見遣○ 一親信之人○ 下山納款○ 此等局面○ 正○ 患○ 弄浙將○ 千股○

掌之上○ 浙將一受其惠○ 必以其逆之言○ 為口實○ 具稟浙撫○ 鎮以

自誇其功○ 而形人之短○ 倘浙撫鎮○ 復受其欺○ 謾必令緩○ 改○ 以○ 待

降○ 則○ 彼之軍心○ 懈○ 而我之軍心○ 亦○ 疑○ 與○ 懈○ 交○ 乘○ 會○ 剿之局○ 不

上學大書

卷三

招撫機宜

十一

卓見堂

終日而懈矣。雖江師用命，孤掌難鳴。半年之功，墮于一旦。可不慮乎？即或不然，軍政不一，令必難行。剿不成，剿撫不成，撫優游歲月，以致師老財匱，成功莫必。不我貽咎，於狡賊哉。本部院再四籌畫，其賊投撫一紙，正是成敗關頭。貴道身履行間，便當面晤浙將，反復申說，以破其疑。當備言會師之難，集如此巨寇之巨測，如此機會之易失。如此俾得洞然於賊計之詭，而知我師之無有異同。江浙同心，併力衝擊，賊今汲道已絕。火藥已無，又見詭計不行，自當昇櫬轅門，真心納款。斯則把握在我，剿可以剿而撫可以撫矣。捨此不務，坐失事機。養癰蓄毒，其事又未可知。

知也。凡事有本有末，安內而後可以攘外。貴道能一面安頓浙將，一面集兵圍賊，則本末緩急兩得之矣。雖然，兵機迅速，難以臆度。本部院遠處數百里外，遙揣情勢，似應如是。仍望相機酌行，倘微聖天子洪恩，使逆賊果傾心倒戈，化鳩買犢，則投浙與投戎一也。籌國者止圖功成事濟，又何必較論其彼此哉。凡警儆切真，有檮當見識之言，同舟共濟，全賴無分。爾我雖然，居功之際，甚難言之也。

新輯仕學大彙卷之四目錄

三洲 犀照堂主人纂輯

文告

○○○嚴勅弁兵

佟滙白

○○○嚴禁刁風

趙君鄰

○○○嚴飭驛遞應付

蔡魁吾

○○○行衛巡道

撫浙 秦瑞寰

○○○查銷冒籍詞狀

撫浙 秦瑞寰

○ ○ ○ 禁飭兌支

按吳秦瑞寰

○ ○ ○ 禁止布解

按吳秦瑞寰

○ ○ ○ 革練總嚮導

按浙秦瑞寰

○ ○ ○ 禁養瘦馬

按吳秦瑞寰

○ ○ ○ 禁革坐催

浙江王湯谷
諱元曦
山東人

○ ○ ○ 申嚴解給

王湯谷

○ ○ ○ 禁兵餉對支

王湯谷

○ ○ ○ 嚴革歌蠹

王湯谷

○ ○ ○ 禁革衙蠹

王湯谷

○ ○ ○ 禁取舖行

王湯谷

○ ○ ○ 禁止軍人催卷

王湯谷

○ ○ ○ 禁革報錄

王湯谷

○ ○ ○ 外巡應捕

王湯谷

○ ○ ○ 嚴禁妖僧邪教

王湯谷

○ ○ ○ 緝棍坑民

王湯谷

○ ○ ○ 申禁抽豐

王湯谷

○ ○ ○ 濫收豆料

朱雲門

○ ○ ○ 禁飭投旗放債

朱雲門

○ ○ ○ 禁用酷刑

朱雲門

○ ○ ○ 禁貼歌謠

山西 李滄葦 諱振宜

○ ○ ○ 嚴飭關防

晉撫紀畧

○ ○ ○ 示湖廣地方

兩淮 姜滙思 諱圖南

○ ○ ○ 禁倉糧陋規

浙江 徐治宇 諱為卿

○ ○ ○ 禁丈量苛擾

浙江 蔣君砥 諱國柱

○ ○ ○ 禁屬派買官參詳

福建 周際園 諱亮工

○ ○ ○ 飭諸生保留

周際園

○ ○ ○ 織獄擅殺

典泉 胡貞巖 諱昇猷

○ ○ ○ 禁婦女燒香

杭嚴 范印心 諱正

○ ○ ○ 革禁妙樂

文諱 天瑞

○ ○ ○ 禁銅婢

林鐵崖

○ ○ ○ 官兌遵依

浙江糧憲

○ ○ ○ 官舫夾帶

楊州 李荆函 諱果珍

○ ○ ○ 禁盜源約

蘇州 倪伯屏 諱長珩

○ ○ ○ 禁溺女典婦

嚴州 嵇爾遐 諱未福

新輯仕學武乘卷之四

○禁飭弁兵

為嚴禁弁兵借盜害民分別責成以免株枉事該本院會同部

按一院照得地方設兵原以防大寇俗非常無事則守有事則

戰原不為零星小盜藉其搜緝也晝伏夜行之盜多者不過二

十人少者四五人然府縣設有捕廳捕衙廳衙設有捕役小小

寇竊若無主名即總鎮衙門無容鈎索若有主名即捕衙捕廳

三淵 屏照堂主人彙纂



浙江 撫院 佟 滙白 諱 國器 遼東人

禁飭弁兵

見

縛○之○有○餘○至○於○防○兵○遇○有○上○劫○自○當○追○擒○禁○城○聞○有○盜○起○立○應
協○勦○總○在○臨○場○救○應○原○不○藉○其○搜○求○聞○令○武○官○四○出○訪○牌○成○羣
捕○捉○拿○一○連○十○拿○十○連○百○家○稍○殷○實○盡○入○株○連○不○俟○到○官○皮○穿
肉○盡○非○刑○弔○拷○何○事○不○供○及○逼○招○已○就○始○移○送○道○府○有○司○官○稍
不○細○心○鞠○察○便○為○依○樣○葫○蘆○即○有○平○反○而○此○輩○到○底○護○短○不○肯
認○錯○動○輒○與○問○官○構○隙○顯○肆○把○持○若○不○嚴○加○禁○飭○害○於○何○底○為
此○牌○行○該○道○照○牌○事○理○即○便○通○行○所○屬○及○武○職○衙○門○自○今○以○後
若○河○道○鄉○村○遇○劫○及○禁○城○上○盜○責○在○巡○兵○與○汛○守○官○救○應○追○擒
若○搜○捕○餘○黨○通○盜○及○平○時○偵○緝○盤○詰○追○究○審○供○之○事○俱○責○在○印

捕○有○司○員○從○武○官○不○得○差○兵○四○出○無○端○生○事○如○臨○場○應○惠○禦○而
反○怯○於○追○擒○居○常○不○應○多○事○而○反○勇○於○搜○緝○以○致○野○火○無○邊○良
民○莫○保○道○府○有○司○查○確○即○行○通○呈○恭○完○倘○或○扶○同○隱○蔽○許○被○害
赴○按○撫○兩○院○擊○鼓○鳴○冤○審○實○一○并○奏○參○云
駐○防○貽○害○禁○戢○為○安○民○第○一○義○至○其○痛○切○開○陳○語○語○有○關
政○要○惜○未○覩○全○稿○為○恨

嚴禁刁風

為嚴禁刁風以甦民困事照得本部院准浙以來首以辦寇為

事今浙江已海晏河清兵燹於伍農耕於野商賈安於市士庶

軍民似宜無不各得其所矣然猶岌岌乎復有莫保身家之患

人情惶惶自危於難堪者何也有光棍打詐之害未除也有貧

官衙蠹之害人未拿也稍有飯吃之家必受光棍之害此光棍

者竊探人家殷實打聽衙門事件揣摩時務從旁唆調或詐害

不遂所欲借騙不得到手不首其原通同海寇即指其乃窩藏

逆犯田債相爭本角口之細事誑為劫掠抄家投河懸梁寔自

浙督趙君鄰遠東人

取○之○殞○亡○誣○以○活○活○打○死○良○民○指○為○窩○盜○無○事○指○稱○匿○逃○墨○吏○
幸○災○樂○禍○之○日○即○小○民○含○冤○負○屈○之○日○蠹○役○遂○欲○快○心○之○時○即○
良○懦○憂○惱○愁○嘆○之○時○情○偽○百○端○難○以○枚○舉○始○也○以○無○事○而○興○有○
事○以○小○事○而○興○大○事○益○以○無○事○不○能○憑○空○下○網○事○小○不○能○一○網○
打○盡○乃○一○紙○入○官○百○計○生○智○外○借○舉○首○為○名○內○通○衙○蠹○作○線○迨○
至○無○事○變○成○有○事○小○事○變○成○大○事○承○問○官○欲○開○釋○而○不○忍○欲○不○
開○釋○而○又○不○忍○光○棍○從○此○益○得○下○手○矣○一○班○作○好○一○班○作○歹○一○
面○說○事○一○面○過○錢○橐○盈○腹○飽○非○公○懇○註○銷○即○具○詞○請○息○不○則○借○
稱○原○告○遠○遁○不○則○原○告○認○虛○明○甘○徒○杖○之○輕○罪○暗○受○千○百○之○重○

將○以○致○被○害○之○家○賣○田○產○賣○房○屋○揭○營○債○典○衣○飾○此○良○善○不○得○
安○生○富○戶○每○多○招○禍○也○更○有○一○種○惡○棍○不○論○事○大○事○小○事○虛○事○
實○不○赴○該○管○衙○門○告○理○捏○詞○濫○首○虎○差○一○到○不○惟○雞○犬○不○寧○而○
家○私○捲○去○過○半○及○至○到○官○只○是○講○錢○多○不○審○理○將○祖○父○積○蓄○之○
財○貨○親○戚○借○貸○之○銀○帛○止○因○調○停○買○命○之○一○說○不○足○以○供○暮○夜○
一○夕○之○餽○獻○此○良○善○真○不○安○生○富○戶○真○多○招○禍○也○尤○有○一○種○天○
理○漸○滅○良○心○死○盡○之○徒○或○懷○一○己○之○私○仇○或○嫉○他○家○之○慳○吝○冒○
事○生○風○駕○虛○傾○陷○以○同○縣○而○害○同○縣○以○同○鄉○而○害○同○鄉○以○同○族○
而○害○同○族○甚○至○弟○捏○兄○非○侄○誣○叔○短○礪○紙○上○之○刀○鎗○戕○同○氣○之○

骨肉不懼雷霆。畏鬼神。此良善益難安生。富戶益多。招徠也。
 若此者。豈浙省人心。盡陰若川。若我每見地方。道府州縣官。但
 有留心民瘼者。鄉城士庶。感誦不啻其口。出遇誑誤。則保留。
 陞遷則攀賀。甚至遇疾病。則祈禱。此又風俗之美。人心之良。莫
 可幾及。可見浙民良善者。十之有九。而惡者。不過百之一二也。
 本部院不能化民成俗。致使刁風日熾。民害無休。笑快一家。哭
 盈一路。有何顏面。立於文武軍民之上。但事有緩急。次序之不
 等。受事之初。海氛未靖。首在先除大害。是以精力半竭於海疆。
 今海上大害已除矣。又內地強盜燒殺不休。今自夏至秋。大盜

漸就擒獲。村落安若無事。次害亦漸消矣。此時兩害已除。正本
 部院拿光棍。訪衙蠹。參貪吏之時也。若不嚴律法紀。將前項光
 棍。架款。傾陷人家。動輒誣陷人者。盡法處死。良民何以安生。至
 若有手段大光棍。憑藉勢要。以為倚靠。倘本部院一旦正色執
 法。具疏密奏。不但光棍難逃。即勢要亦不便也。案准刑部咨
 為請嚴惡棍之法等事。內開。覆前事。奉
 旨。京城內重大之地。惡棍挾詐害民。肆行擾害。好生可惡。以後
 實係光棍的據。俱着照強盜例擬罪。餘俱依趙其所奏。行照例
 刊刻告示。曉諭固山牛录。及各省地方。遵

旨通行曉諭欽遵在案是光棍不犯則已犯則照強盜例擬罪
功令森森豈不可畏令行出示曉諭為此示仰浙屬文武官民
人等知悉如有前項棍徒敢再覆臨前轍或訪聞或告發立時
嚴拿定將從前某一事詐其銀多少某一件詐其人銀多少其
一年詐其人銀多少其一月詐其人銀多少覓底算一清帳悉
載白簡飛章入
告至官吏受財營弁准詞衙蠹詐贓一有訪聞並行參拿本部
院除害安良從大及小漸次例行出示以後明察暗訪必拿真
正極惡盡法嚴處原非尋常故套各以身命自愛慎勿再入
網○凌○悔○不○及○也○特○示○

柳○揚○盡○致○告○誅○入○情○其○峭○峻○處○似○廬○陵○永○叔○其○疏○宕○處○似○
看○山○大○蕪○是○以○庶○政○為○文○殊○勝○引○經○斷○獄○惜○未○上○請○疏○
檄○以○公○之○世○耳○

○嚴飭驛遞應付

為嚴剔積弊永立良法以蘇驛困以沛

皇仁事照得地方凋殘至江右極矣而驛遞之倒廢又未有甚

於江右者近復因兩藩在廣王差詔使終驛不絕是凋殘倒

廢之後而應付反倍於生全安堵之時嗟此才遺其矣以支若

何奉差員役恣行威挾於勘合火牌之外加馬加夫或既已有

馬又復索船既已有船又復索夫必得折乾飽腹而後已其隨

從家丁尤無端刁勒騷動百姓辱州縣鞭驛官鎖打馬戶夫頭

以致閉門罷市新淦建昌各邑屢屢見告其積弊流毒誠如

江西 郭撫 蔡魁 吾 關東人

聖諭始知九重之上洞悉斯弊不啻觀火業已刊刻曉諭豈各差使等控弁髦博者殃民悍然不顧本應題參重處姑除已往不究外今設立填報循環文簿之法以祛前弊為此仰府官吏即便轉行各州縣驛遞各備循環文簿二本呈送本部院印黃凡遇差使到日即將勘合火牌原註定馬匹抄入簿中如差使循法外無勒索即於前件下註照數應付訖並無外加及勒索等字樣如有強橫員役於應付之外必勒加馬加夫亦即於前件下註明外

馬若干匹夫若干名又索銀若干兩跟役家丁索銀若干憑其過付或鎖打船戶夫頭驛官凌辱州縣各官一一註明仍先具詳飛報以憑拿究其填註循環文簿每一月一換本部院查明參處該州縣驛遞當於應付處所將本部院印發文簿及上傳告示一一先與差使看明若仍貪狠不遵必於數外加及需索陋規折乾等銀者即於本人當面寫註入簿倘有倚勢不容填註者許該縣驛即行飛馳密報以憑題參該縣驛亦不得於正數之內短少馬匹抗匿逗遛查出定以遲悞公事參究至於司道府館小票催糧拘紀等差一槩不准應付本部院

法在必行爾奉差員役各宜欽遵
上傳不得踵習惡例致干
題參國法森嚴常刑無赦思之
慎之如各縣驛官徇情濫與不填不報本部院不時查出或經
被害告發者與受之人一體重寃不貸

指陳郵困備於秦公一疏申飭應付嚴於秦公一檄
僻異區隔派協濟再得通詳調方好偏累之嗟

○○○行衛巡道

浙江秦瑞寰

為嚴禁婪弁縱兵以救民生事照得

朝廷設立官兵駐防地方原為禦盜安民不許生端滋擾近訪

該屬弁兵有濫收無藉遊棍充伍食糧狐假虎威或放頭開賭

或合夥開舖橫行鄉曲甚而置造營盤晝則興販私鹽攬載客

貨夜則懸刀揮矢劫掠民間威令風靡馴至埠頭船隻慮差當

官投營庇護及營兵需船反向縣官折乾仍將營船駕坐莫敢

誰何聞報盜賊劫掠不即發兵擒剿遷延觀望及聞賊遁始借

勦為名出屯民家勒索酒食指板良善獵詐鄉村小民受兵之

慘○甚○於○受○賊○之○劫○種○種○荼○毒○殊○堪○髮○指○三○衢○災○民○如○在○湯○火○若
不○嚴○加○禁○飭○害○於○何○底○為○此○牌○仰○衛○兵○道○照○牌○事○理○即○便○會○同
該○將○嚴○飭○所○屬○武○弁○毋○得○招○收○土○棍○充○伍○食○糧○縱○容○開○張○賭○鋪
及○打○造○營○船○與○販○攬○載○扮○兵○劫○掠○埠○頭○船○隻○不○許○借○冒○營○頭○懸
燈○列○幟○假○威○虐○民○如○有○盜○賊○劫○掠○立○刻○發○兵○會○同○府○佐○密○行○堵
剿○務○期○盡○絕○根○株○毋○許○耽○延○時○日○秋○毫○有○犯○行○間○功○過○許○監○督
文○官○及○統○兵○將○領○各○自○據○實○塘○報○以○憑○覆○核○賞○罰○如○有○故○違○諛
道○密○揭○送○院○婪○弁○立○刻○飛○參○兵○丁○嚴○拿○正○法○倘○扶○同○隱○蔽○縱○兵
虐○民○仍○犯○前○項○諸○款○者○或○訪○聞○或○告○發○本○院○斷○不○為○諛○道○寬○也

浙○江○撫○院○秦○瑞○寰
遼○東○人

○查○銷○冒○籍○詞○狀
為○察○銷○冒○籍○詞○狀○以○杜○幸○告○刁○風○事○照○得○民○間○鼠○雀○之○爭○不○能
使○之○無○訟○其○情○理○曲○直○應○在○本○管○道○府○伸○翹○兩○造○是○非○亦○必○質
諸○鄉○黨○鄰○里○乃○無○偏○徇○寬○抑○法○不○容○奸○民○冒○籍○越○誰○以○逞○刁○詐
之○端○也○本○院○下○車○即○有○條○禁○無○奈○健○訟○之○風○嚮○不○衰○止○或○圖○翻
本○處○已○成○之○案○無○影○駕○虛○或○欲○遂○自○己○飛○噬○之○心○越○誰○拖○累○原
告○勢○若○負○嵎○被○告○畏○如○陷○阱○不○得○不○破○家○賄○脫○關○文○往○返○徒○為
胥○役○生○涯○案○牘○稽○懸○每○使○善○良○受○害○及○其○騙○詐○已○厭○不○日○請○歸
就○近○則○云○隔○屬○難○拘○甚○有○沉○閣○一○二○年○始○具○由○詳○批○原○籍○衙○門

查銷冒籍

者詎非衙蠹居奇漁利乎深可痛恨合行查銷為此牌仰各道
 照牌事理即便轉行各府廳州縣凡承奉本院詞詳事件查果
 余被俱係別府人氏通限十日內逐件具由詳銷不得再行拘
 擾過期具詳定提經承差役坐贓究罪今後凡有刁民仍騙故
 輒冒籍騙准呈狀本告投開住址察非本屬籍貫即便畫法枷
 責示懲原詞據寔請銷不許聽從移開倘有故違不即具詳察
 出一併重究承行各官亦難辭咎各具遵依繳查俱毋違錯
 冒籍拖累古今錮弊然承問每礙憲詞明知姑行移攝篇
 中言之快徹銷之得宜可為百世師法

○禁飭兌支

浙撫秦瑞襄 遼東人

為嚴禁兌支以清積弊事照得錢糧出納必登簿書錙銖不容
 互混杜目前之流弊免日後之混淆全係於出納分明簿籍條
 晰今查各縣有聽吏書之朦蔽巧以工食雜支等銀出給兌支

人戶單串若謂庫內不煩見支既可以塞眾人之求又可以取
 民間之負似屬兩便殊不知此輩得串在手不索控積逋之項
 民而專兌急公之上戶此利其速便彼利其輕省緣此而無項
 不兌私兌既多櫃納益少正解罔應雜放溢額彼印官黠者被
 解于和尅愚者一任其提弄漸至空印串單任吏書擇戶而食

禁飭兌支

多寡隨填。茫無稽考。而又岐其年分。錯其款項。紛紛纒亂。令人
 莫可清理。更聞昏愚。不肯有司。視私免為便徑。不難出片紙作
 金錢。有以之償債者。有以之鑄營者。意謂收數不載。流水放數
 不列。庫簿上下。隱瞞自為。得計不思。國課民膏。止有此數。不
 在上。不在下。將安歸乎。水落石出。雖莖藿何及哉。除已往見在
 清查。將來亟宜申飭。為此牌行。布政司各該府。即便轉行。所屬
 凡一切存留錢糧。必以徵收給放。登記流水庫簿。備查如敢仍
 蹈積習。擅行兌支。作弊者。飛疏題參。官拿吏斬。決不姑恕。各
 具遵依。繳查施行。尺幅烟波。詳明曲盡。可稱要言不煩。

○禁止布解

按院秦瑞寰 遼東人

為嚴催額解官布事。據松江府呈詳前事。請飭八年分額布銀
 兩。速給并嚴禁。隨規常例。緣由到院。據此。為照官布一項。何必
 有此委辦之名。試問從來。有一年清楚。否在各縣。十不給一。在
 委官一無所辦。推原其故。勢寔有不能辦者。其謀克辦官之日
 揮金如土。交通權書。互相推引。銀未出縣。貪蠹先有扣除。領不
 幾時。司府各索使費。催一次。但多一次之使費。遲一日。愈耗一
 日之錢糧。故方其錢糧到手。先主不完之心。及至日久。花銷終
 成難完之勢。今年是你。明年是我。仍不出此數人。昔你為官。今

禁止布解

仁學大... 你為保總不離此一局松江一府每年額編價在六萬二千八百九十餘兩加以貼役一萬三千餘兩自三年以至今日總歸貪蠹之腹惟連年無額布之解所以又有官布之買蠹國害民莫此為甚本院清查及此頓足拊膺恨不得此輩而寸段之為快今據該府所詳亦見醒惕但催銀給解提不出奸胥狡智徒為此輩生活或為移新應舊或為假公濟私上下關通鼠猶同乳無非交爭此利也狂瀾之砥惟該府是望今八年分之布銀仰府嚴行各該縣勘令照額起解原封貯運該府收存內衙隨收隨解仍聽該縣填單月報銀完之日聽本院議委專員原

封給辦廢幾寔銀寔解銀有不完罪在縣官布有不辦罪在委官功令甲明重法無赦至於巡檢卑官又非見任總屬蠹棍不得輕委一切陋獎積習已深申飭何益擬當專疏通究特請尚方用以懲前儆後先將八年解貯緣由即具遵依勒限報解毋違

說○到○淋○漓○透○徹○歷○歷○如○繪○嗟○嗟○視○國○帑○如○囊○者○不○獨○江○南○不○獨○布○解○司○計○出○納○不○可○不○慎○裁○其○際

華練總嚮導

浙撫秦瑞襄
遼東人

為禁革練總嚮導以塞盜源事照得練總嚮導原為勦賊設也

然而通盜害人即是此輩如近日賊寇縱橫聚則蟻屯蜂擁兵

至而宵竄無踪是豈狡賊真有奇謀遁術哉亦不過若輩為之

呼吸其間也大都賊之倡亂其始事也愚者任為渠魁稱雄負

險點者任為練總裏外交通賊捉餉戶彼來說情烹肥賊劫貨

物彼來賤買獲利假防禦而備器械則弓刀暗售引大兵而在

嚮導則漏洩軍情又有不肖防官通盜無路此輩即為線索賊

過之處妄指殷戶為窩統領沿鄉濫掠間獲真盜又唆扳臨無

事稍不遂，慾誣送在官，立破身家。種種虐害，難以更僕。而數是練總者，嚮導之別名。嚮導者，寔通盜之捷徑也。本院撫民勦盜，自有善策，安用此輩為耶？除前項另行法究外，合行嚴禁。為此示仰軍民人等知悉。嗣後鄉村向有前項練總嚮導名色者，盡行革除。敢有仍前借名通賊，引兵屈陷無辜者，輕則追遣，重則立誅，決不輕貸。

禦暴為暴，歷有年所。銳意革除，救寧寔遠。

禁養瘦馬

江西南秦瑞寔謹東人

為永禁國畧，以維風化。事照得揚城慣養瘦馬，遠近馳聞。樂戶挾貲畧買良家，淪落煙花。風俗醜謬，莫此為甚。始緣寒微之女，有姿則國戶奸媒，視為奇貨。串通巧騙，誘說女家，則云某家之女，嫁某官，而立致富。饒某人之女，嫁某官，而坐享榮華。有此女兒，自足帶挈起家。何必徒受困苦，辜負紅顏？誇張國戶，則曰某家養女，最有出頭待女。甚是愛惜，送往收拾教習技藝。先可當銀一二十兩，以資生計。不久嫁與官宦，禮銀數百，享用一生。往來者，看顧無窮。美語渾同陷阱，嗟彼無知小民，欣然墮其術中。及

至女當彼家必為女製衣餽送時日未幾囊橐旋空至樂戶畧
 買或假裝過宦或駕稱富豪或云無子或云妻亡做就機謀百
 般詐哄在國戶媒人明知故騙而蚩蚩愚民誰與探其真假惟
 聽國媒一片花言孟浪依從雖有禮銀除還國戶本銀之外例
 索保親國戶媒人三項謝儀每項除扣又還國戶利銀飯食銀
 脂粉銀教習銀又辦回禮賠女衣飾押禮管家每事何止十兩
 五兩父母所餘十不二三若質當日久則幾無存剩當此時女
 棄遐方銀歸人用正所謂人財兩空欲贖則力有不能雖悔則
 悔將何及親生之女任落烟花生死各方何能再見雖淚血搥

心無補於事縱得幸歸官宦不過侍妾通房得寵則正妻妬害
 夫寵則貶為奴婢鞭笞死亡有誰憐惜父母之心何能堪此不
 思窮通由命豈可以兒女賣錢况生死永離忍不以骨肉為念
 不若將女嫁一本鄉或貧或富早晚得以往來疾病得以伏侍
 養老送終亦有所托何得妄想富貴反致悲離揆其禍源原非
 父母本心概由國媒毒同蛇蝎貪若豺狼惟圖自家豐饒不顧
 他人骨肉且國戶全無廉恥與勾欄無異本院知之甚悉談之
 欲嘔今代狩茲上誓必永除以端風化除行勒石嚴禁外合行
 曉諭為此示仰士庶鄉總人等知悉如揚城見有國養瘦馬當

禁養瘦馬

人子女代嫁者許女家父母人等將女竟取回家任從擇配當
本飯食不許償還分文如國戶敢於勒索即稟本院拿來處死
如女家畏惡不敢向取許鄰里親族出首官給賞銀鄉總四鄰
知而不舉一體重處如巡歷稍遠即稟所在道府依畧賣良人
律擬招解院決不輕貸

說○到○傷○心○慘○目○處○可○使○峽○猿○墮○淚○至○代○區○畫○正○婚○語○是
際○又○如○生○公○說○法○可○使○頑○石○點○頭○雖○然○習○俗○移○人○恐○難
陋○也

○禁○單○坐○催

浙江按院王湯谷山東人

為○嚴○單○坐○催○名○色○以○除○小○民○大○困○事○照○得○賦○役○繁○興○百○姓○凋○殘

已○極○本○院○蒿○目○時○艱○有○一○種○大○弊○大○害○之○事○不○得○不○為○我○父○老

子○弟○痛○除○之○者○莫○如○坐○催○一○項○夫○坐○催○差○人○名○色○不○一○需○索○亦

不○一○有○下○鄉○之○坐○催○有○在○縣○之○坐○催○下○鄉○專○管○追○呼○在○縣○專○管

比○郊○每○逢○當○年○糧○里○徵○收○起○限○時○即○向○經○承○總○書○處○各○黃○幹○一

牌○其○牌○面○大○約○一○里○之○糧○一○里○之○糧○數○盡○填○寫○其○上○此○輩○隨

百○姓○之○緩○急○隨○得○作○百○姓○之○禍○福○又○大○約○一○里○之○輸○納○一

之○完○欠○盡○責○其○身○故○此○輩○隨○得○倚○官○府○之○威○靈○隨○得○憑○官○府

禁單坐催

之喜怒其下鄉也。挾帶水手勾連白役三五成群沿村騷動。飲食服用盡要里長供應。里長以錢糧在其掌握。事事敬信。件件順從。工食飯米。季禮節規。勒索不厭不休。其在縣也。連絡經承。拴合夥役。每逢比限日期。便是上門買賣。先索輪。知分例。次索值日班錢。又次索承行餽獻。又次索籤號。差銀吃橫行。飲啖。不。了。嗟。嗟。有。司。以。錢。糧。緊。急。小。民。呼。應。不。靈。謂。非。鄉。縣。坐。催。恐。無。以。濟。緩。急。不。知。此。輩。狼。狽。相。倚。止。知。婪。利。肥。家。誰。肯。急。公。完。事。當。其。承。牌。到。手。需。索。未。遂。之。時。或。要。其。一。限。全。完。或。指。其。全。備。盡。納。似。乎。頃。刻。難。緩。者。待。至。銀。錢。食。用。像。意。趁。心。故。意。遲。延。

拖成緩局。那管賦額空懸。那管考成叅罰。小民脂血盡歸蠹橐。之侵肥城市鄉村。俱屬婪奸之吞嚼。獨不回頭一思一縣之中。坐催不知若干人。一歲之中。坐催不知若干件。究竟急公奉法。當是何人。轉遲為速。果有幾事。不過替蠹獍作生涯。驅赤子供魚肉。猶復不省反倚爪牙。而明示屢懸。猶竊竊官胥聚謀。謂上單下不單也。噫。亦可為大惑不解矣。本院巡聽所屬萬戶待蘇。若不亟行嚴革。民生何日得安。國課何日得裕。諸司催科撫字。何以得稱職業。本院剔蠹除奸。何以得慰輿望。為此永為釐禁。以後俱照頒行滾單。百姓依期完納。有司遵法催收。經承不

士... 嚴革坐催... 卷四... 十八... 年... 卷...

許出票濫差胥役不許謀牌索詐一切坐催名色盡行革除如
有陽奉陰違仍差役擾害者許被害人等不時赴院呈告以憑
立刻嚴拿官參役死懲不惜一家之哭以貽一路之哭特示
坐催寔為厲階上革下寔不革篇中醒惕甚切

申嚴解給

按院王湯谷
山東人

為申饒徵解之法以社錢糧積弊事照得本院奉

命巡方職在剔蠹除奸然弊之大者莫如錢糧一項其間官府

之扣剋解役之侵漁絲承之借冒透會庫吏之出入那移萬孔

千瘡奸山蠹海本院每至一郡親閱批卷故意參前撥後移急

就緩那重補輕百亂如絲毫無頭緒揆厥所由大約一縣有起

運之銀有存留之銀其起運者俱係京庫本折部寺錢糧解司

彙解最為喫緊其存留者除給兵餉外悉屬俸廩工食雜項支

費俱由本縣開銷較之起運之銀少為差緩近來一等不肖有

司聽經承彌縫漫潤將存留給發之銀每百兩扣剋一二
其至有扣剋三十餘兩者其始也官得八九而吏得二
也○千○冒○侵○漁○無○所○不○至○每○每○吏○得○八○九○而○官○止○得○其○一○二○反○將
喫○緊○正○項○不○行○起○解○以○致○上○司○唇○焦○額○禿○呼○叫○不○靈○火○檄○雷○牌
繼○為○故○紙○迨○至○侵○匿○既○多○查○盤○又○急○或○捏○造○欠○戶○花○名○指○稱○民
欠○或○填○註○差○人○姓○名○空○批○起○解○扯○東○曳○西○改○頭○換○面○一○盤○多○是
欺○詐○無○樣○不○是○支○吾○以○本○院○之○前○尚○且○如○此○偷○天○換○日○何○况○啗
啗○小○民○有○不○受○其○魚○肉○加○派○橫○歛○鄰○屋○吞○聲○不○可○救○藥○本○院○披
關○至○此○能○不○疾○首○痛○心○今○特○與○爾○官○吏○約○以○後○凡○徵○解○錢○糧○一

年○分○為○四○限○一○限○該○銀○若○千○一○季○該○徵○若○千○都○審○該○徵○若○千○今
已○徵○過○若○千○先○將○京○邊○正○項○起○解○若○千○次○將○存○留○項○下○給○發○若
千○未○發○若○千○民○欠○若○千○合○計○共○欠○若○千○大○書○告○示○張○掛○通○衢○務
使○人○人○通○曉○該○縣○仍○將○徵○過○解○給○民○欠○數○日○造○冊○送○府○本○府○年
終○銷○算○亦○大○張○告○示○明○開○該○縣○額○徵○起○解○正○項○給○發○存○留○其○項
未○給○發○存○留○其○項○民○欠○尚○有○若○千○再○發○本○縣○張○掛○通○衢○亦○使○人
人○共○曉○其○每○縣○徵○銀○先○將○正○項○起○解○及○給○發○兵○餉○之○後○備○將○存
留○銀○兩○勻○攤○均○給○不○許○經○承○吏○胥○朦○朧○剋○扣○先○緩○後○急○那○重○補
輕○將○從○前○積○弊○徹○底○澄○清○凡○爾○官○吏○即○不○念○上○關

申嚴解給

任學大... 國計下切民生獨不念自己考成各人性命本院持斧一方惟知急公奉法凡爾官吏各宜凜遵毋貽後悔清造徵解給存自是定制至示衢通曉更為可行

禁兵餉對支

浙江王湯谷 山東

為嚴禁對支月糧以除民害事照得郡屬設兵原以控禦封疆計丁授餐頭設糧餉又慮藩司頒發路途數遙不能應一時之急故一郡之兵馬即撥一郡之錢糧既近供應責在有司官平時徵足按月起解道協以憑給發無枵腹士賴飽騰原是風火急需今訪得各屬有司催科不法撫字無能平時慢不經心臨時巧於搪塞竟將積年拖欠糧尾開列支單派撥道協二標月糧令其自行催領嗟自以此法行而流弊不可勝言矣兵民原早兩途即使兩不相涉而兵之與民常覺高傲民之見兵常

覺○退○縮○必○至○之○情○求○伊○朝○夕○况○人○以○食○為○天○兵○以○餉○為○命○經○年○累○歲○熬○得○我○粒○穀○子○要○得○一○分○便○博○得○一○分○用○度○早○得○一○日○便○落○得○一○日○衣○食○有○司○撥○兌○之○後○便○已○卸○舊○兵○丁○受○兌○之○後○便○成○坊○看○相○尋○不○得○不○迫○追○索○那○能○不○力○於○是○免○票○一○出○立○刻○下○鄉○糾○隊○結○伴○逐○戶○挨○門○多○方○要○逼○或○細○戶○逃○亡○則○尋○羅○網○康○值○或○下○名○死○絕○即○看○上○役○賠○償○或○一○里○拋○荒○即○派○隣○局○均○權○拖○親○累○脊○蔓○引○株○連○以○至○采○顧○則○酒○食○狼○藉○拂○歎○則○網○羅○難○開○口○則○赫○稱○軍○前○糧○餉○動○手○則○不○顧○器○皿○家○財○累○罵○加○於○婦○女○毆○辱○及○於○妻○孀○拏○若○自○父○之○糧○猶○曰○不○能○預○先○完○納○便○受○氣○喫○虧○尚○可○使

恨○吞○聲○獨○惜○一○班○無○子○糧○里○白○上○牽○累○醫○瘡○刻○肉○往○上○因○別○人○拖○欠○錢○糧○賣○自○己○親○生○男○女○林○木○池○魚○棍○李○代○更○且○閒○酒○閒○錢○賠○茶○賠○飯○準○折○不○容○秤○估○刻○毒○完○得○一○兩○錢○糧○須○得○二○兩○折○耗○種○上○冤○情○何○門○告○訴○本○院○自○入○浙○境○每○聞○此○等○輒○為○酸○鼻○夫○州○縣○為○朝○廷○親○民○之○官○百○姓○稱○之○命○曰○父○母○顧○名○思○義○州○縣○千○百○姓○死○如○自○己○兒○子○一○般○嗟○上○官○府○比○較○有○時○有○日○私○下○比○較○無○了○無○休○官○府○比○較○筆○楚○易○受○私○下○比○較○瑣○碎○難○堪○有○司○設○身○處○地○回○頭○一○思○若○是○自○己○兒○子○欠○糧○撥○兌○兵○丁○可○是○怨○也○不○然○兵○丁○到○得○家○中○可○是○苦○也○不○苦○自○己○怨○苦○何○忍○加○人○猶○且

禁兵餉對支

揚○上○得意○却○得○有○權○免○得○催○提○省○得○起○解○銷○得○逋○欠○着○便○宜○
 只○圖○自○己○爽○快○那○管○百○姓○死○活○不○知○催○科○徵○納○係○有○司○職○掌○若○
 以○民○間○拖○欠○錢○糧○即○可○對○支○兵○餉○要○縣○官○何○用○只○須○以○兵○丁○魚○
 衙○役○便○足○要○各○衙○門○虎○役○狼○胥○成○群○逐○隊○何○用○且○事○之○不○可○為○
 訓○者○行○之○一○次○犹○可○行○之○次○則○難○當○其○初○見○之○時○百○姓○打○熬○
 不○過○只○得○典○鬻○從○事○殊○不○知○民○間○衣○物○然○是○有○限○妻○子○原○是○無○
 多○一○典○之○後○無○復○再○典○之○物○詎○諱○頻○經○便○成○習○慣○臉○面○經○霜○必○
 至○頑○皮○一○而○而○速○再○而○運○三○而○或○應○或○不○應○當○其○呼○之○民○既○不○
 應○問○之○官○又○諉○無○與○是○兵○丁○寔○落○錢○糧○反○成○得○一○紙○空○帳○
 何○不○拊○心○自○問○一○縣○錢○糧○有○存○留○有○起○解○起○解○者○固○時○刻○難○緩○

而○存○留○者○寧○不○可○緩○急○通○融○且○此○種○掛○欠○糧○尾○何○不○以○之○留○充○
 扣○剋○何○不○將○來○抵○充○工○食○緩○其○所○急○其○所○緩○欺○天○欺○人○抑○亦○
 自○欺○是○此○舉○不○獨○忍○心○苦○民○亦○明○係○設○計○騙○兵○士○民○俱○病○尤○以○
 病○國○事○關○重○大○合○亟○嚴○飭○為○此○示○仰○合○屬○官○吏○軍○民○人○等○知○
 悉○以○後○凡○通○協○各○標○兵○丁○支○給○月○糧○俱○着○落○縣○官○催○取○起○解○道○
 協○按○月○給○放○一○切○對○支○名○色○盡○行○革○除○如○有○陽○奉○陰○違○不○遵○明○
 禁○例○前○分○給○印○單○着○令○兵○丁○下○鄉○代○催○許○被○害○人○等○不○時○赴○院○
 呈○告○有○司○官○必○以○溺○職○殃○民○立○刻○飛○奏○民○痛○當○除○兵○餉○宜○亟○積○

○藥○宜○革○其○各○諦○聽○毋○干○鈇○而○
○軍○需○何○事○是○當○今○之○第○一○緊○急○也○較○之○起○運○正○供○尤○不○可○

○刻○緩○何○得○以○民○糧○欠○尾○為○為○且○唐○塞○之○所○為○中○形○容○對○支○
○之○苦○匪○獨○百○姓○之○痛○在○兵○下○亦○有○無○可○柰○何○者○兵○民○交○困○
○之○弊○政○莫○甚○于○此○血○字○粘○出○可○為○寒○心○

○嚴○革○歇○蠹

為省歇積惡業奸病民蠹 國特申

浙江王湯谷山東人

新旨一體正法以除大弊事照得浙省兵餉浩大撥解繁多一

歲之賦不足供應司府縣官經年叅罰不得出頭解役經畧固

繁筭比接踵畢命揆其由來皆係省歇弄弊以致害官浙屬州

縣七十有六此輩立有頂頭用價買克以縣分大小錢穀之

多寡定售價之低昂有一人而買數縣有數人而朋一府父子

相承兄弟換值如攬本色赴司轉文則牛角絲綿銅錢油漆茶

蠟等項如攬上納則南米漕糧豆料馬草等項甚至覘招官事

嚴革歇蠹

借口奔走說謊走空無所不至歛通縣之金錢竭小民之膏血
事事生端漁獵物物因公科派其一縣纂編此策若具冊於胸
中其項為急其項為緩急者完緩者侵一手握定巨細不遺以
故錢糧到家先有傾銷之弊每千出水三十傾銷既訖又為講
費指稱走批掛號赴庫交收收陋例種種各自任其誅求不
饜不已萬難逃出範圍至少亦大約每千一兩為率寧使正項
且虧和費必足此輩金錢在手遂至浪費花銷求田問舍買妓
尋花連宵徹夜直至月久歲長窟漏深大乃思浼補批廻以多
作少耽延時日那舊掩新設使該縣錢糧源源應手此輩尚可

支吾一旦後解不來立見水窮石現經承解後守候經年府縣
掣批追呼敲扑到得催拿急迫不過多方黃挽以錢糧救錢糧
以新餉搭舊餉愈救愈窮無有底止赴比則疋羸似鬼問餉則
指東話西司府州縣議罰議調不一而足經承差役拖害杖斃
奚索十百何物官役一入其家何異遇不刀鎗之強盜遭不風
波之飄沒本院備悉奸形髯髮為監除將有名巨歌嚴拿監禁
盡行革除通飭遵依外但恐神奸慣惡怎肯釋手必致捏開飯
店假寓朋謀傾銷攬解有形之奸歌革拿有限無形之奸歌流
毒無窮保歇與衙役同科

嚴革歌毒

新諭煌煌○剔除敢遺餘力○為此示仰軍民人等知悉○如有前項
奸歌敢借飯店名色○攬作獎者○許地方里鄰從實舉首○以憑
按法嚴刑○立請重典○以除徹骨大害○容隱不舉○一併重治○
從愈救說到愈窮○可謂明於勢○從有形防到無形○可謂深
於法○

禁革衙蠹

浙江王湯谷
山東人

為衙役之作奸萬狀○殘黎之受害千般○特嚴剪蠹之條○以除民
害事○照得衙蠹害民○浙省為最○陰險者為鬼○強橫者如虎
如狼○上下拴通○彼此照會○孽滿罪盈○罔有懼刑之日○蒂固根深
曾無伏法之時○始則不怕官府○漸且不怕

朝廷○竊乎道路風塵○畧恣梗槩○聞得一坵權書猾吏○凡遇秋米
盤頭條銀科算額徵一斗一錢者○必多增一分一升○則有飛洒
錢糧之弊○大兵經臨○夫役絡繹不絕○百姓死活○折乾必要一倍
二倍○則有濫派夫役之弊○軍需緊急○民間脩極艱難○而官價十

無半給○則有○和○尅○豆○草○之○弊○徵○書○旁○午○百○姓○如○何○疾○苦○而○重○等○
外○勃○如○三○則○有○橫○索○火○耗○之○弊○以○至○吏○牧○官○解○

明○旨○從○同○日○皎○又○報○里○長○承○准○求○免○者○百○金○包○攬○者○倍○價○則○有○
余○點○櫃○總○之○弊○斬○絞○流○徙○

新○例○非○不○霜○嚴○仍○前○枉○法○婪○贓○巧○其○名○曰○公○費○文○其○事○曰○乞○恩○
則○有○通○官○過○線○之○弊○餘○如○排○門○烟○戶○村○騷○擾○詰○奸○反○以○滋○奸○

則○有○查○點○保○甲○之○弊○隱○漏○花○分○批○呈○冒○免○均○田○寔○不○均○役○則○有○
躲○避○差○徭○之○弊○外○此○謀○牌○謀○票○或○勾○攬○訟○獄○或○帶○比○官○糧○沿○村○

索○詐○鼎○沸○地○方○則○有○本○縣○差○人○下○鄉○之○弊○健○壯○差○或○坐○催○官○
餉○或○守○提○事○件○叱○咤○公○堂○吃○味○驛○遞○則○有○道○府○差○人○下○縣○之○弊○

飛○船○械○艘○指○稱○勦○盜○搜○窩○席○捲○風○殘○破○身○家○於○頃○刻○之○際○則○有○
鯨○楠○誣○寇○抄○良○之○弊○比○外○聽○審○動○用○龍○鬚○大○板○輕○重○高○下○操○性○

命○於○掌○握○之○中○則○有○席○皂○班○例○杖○錢○之○弊○尤○其○甚○者○下○屬○之○老○
奸○巨○蠹○惡○貫○贓○盈○窟○入○大○衙○門○為○躲○雨○之○窟○專○一○顛○倒○官○評○羅○

織○良○善○則○又○有○造○訪○賣○訪○之○弊○最○可○痛○者○府○縣○之○積○保○婪○欺○克○
心○辣○手○踞○衙○門○為○武○斷○之○權○慣○能○起○滅○詞○訟○包○攬○錢○糧○則○又○有○

侵○漁○婪○詐○之○弊○更○可○恨○者○狡○豎○蠹○童○專○權○賣○勢○弄○官○府○於○股○掌○
之○上○票○狀○標○呈○註○差○款○獻○則○又○有○門○役○招○搖○玩○法○之○弊○諸○奸○種○

種蠶竹難書積獎層々千磨百孔本院民瘼倍切疾惡如仇
 行所屆一路澄清全浙大慶始聞晨鐘茲當瓜期已及為地方
 善後之計叮嚀告誡不厭詳復為此特與爾官吏約以後凡秋
 糧額照全書由單速給夫役公派田里折軋力除豆草現銀發
 買扣剋何從庫櫃遵發司平火耗盡草吏收官解莫貪里役承
 當潔已持廉無任經承線索保甲但願民安切莫更番查點編
 後絲歸論產慎勿冒免徇情錢糧奉行滾單詞訟即差原告徵
 輸專責有司事件編成拜數謀牌買票下鄉之禁必嚴律壯差
 承此縣之名速去以及解捕誣良虎皂勒索刑書造訪保歇侵

漁門役招搖玩法等弊盡行禁止為官者做

朝廷臣子自當遵

朝廷功令萬不可縱容前項諸蠹盤踞衙門漁民亂政為役者

也須要回顧自己身家照料自己性命萬不可再蹈從前積弊

犯法違條婪贓作惡一兩外流徙之條百二十大辟之律

王法憲章斷難寬假切無以漏網為天幸無以護庇為得計無

以枉得我夕我晨便自寬安憂穩痼疾難除故態復作本院身

為言官以言為職天下利莫皆得言之况於目擊身歷之事一

有犯此拂々白簡立見霜飛本院之為爾地方為我百姓一片

苦○心○斷○不○忍○一○刻○忘○也○各○宜○猛○省○毋○貽○後○悔○特○示○
一○通○文○告○而○已○徑○將○各○衙○門○百○孔○千○瘡○盡○行○湔○洗○從○此○探○
討○字○為○生○民○請○命○矣○

禁取鋪行

為○嚴○禁○濫○取○鋪○行○以○肅○官○箴○以○除○民○害○事○照○得○有○司○各○官○既○受○

朝○命○之○禁○身○居○百○姓○之○上○便○當○軫○念○民○瘼○愛○惜○物○力○飲○冰○茹○蘗○

一○文○不○染○是○為○官○者○好○事○近○聞○有○等○官○司○聽○任○蠹○胥○播○弄○濫○取○

民○間○物○件○如○交○際○禮○儀○則○有○綾○緞○紬○綿○之○取○公○賀○陞○遷○則○有○錦○

屏○金○軸○之○取○衙○內○應○用○則○有○布○帛○紗○羅○之○取○上○司○經○臨○則○有○幃○

褥○鋪○設○之○取○過○往○官○府○則○有○河○下○心○紅○紙○劄○之○取○檟○勞○官○兵○則○

有○猪○羊○牛○酒○柴○米○荳○料○之○取○外○此○紙○行○則○有○紙○劄○壳○套○之○取○木○

行○則○有○修○倉○造○船○之○取○染○行○則○有○掛○彩○披○紅○旗○帳○之○取○下○此○則○

浙江王陽谷
按院王陽谷
山東

禁取鋪行

車觀堂

磚行尾行炭行竹行以及銅鐵釘油行無不層層剝削過此則
 魚行肉行煮行雞行以至腐菜葱韭各舖行誰不件件誅求本
 院聽車所至行戶擁塞道上牽衣環訴或云懸價多年累取查
 給或云批發多日蠹胥冰沉或云執票追呼如捕勦盜或云借
 端需索類虎啖羊或云祖歌而孫不能更按名猶同軍伍或云
 父死而子不能免提尋無異逋逃或云賣女賣男一賣無可再
 賣或云捐家捐本已捐何處重指即幸而多方使費展轉央浼
 繞博得行庫准給又遭庫蠹和尅售值不過半價銀色寧有幾
 成無數血本會見頃刻花銷一塊紅銅到底公文無用甚至衙

官因而效尤防弁亦加橫索種種為屬不可枚舉尤可異者不
 肖有司自知虧心劣狀又欲昧已瞞人諸凡取用物件盡皆小
 票數行取到之日連票繳燬不留一案不落一字自謂踪跡莫
 測殊不知凡民有口已入本院之耳有司倚恃見任官勢誰不
 惟命是從並無見銀發買先令舖戶措辦稍有遲違立拿重責
 經承乘機酷勒常例壯役乘機橫索差錢遂意則名為幫襯猶
 可支吾拂欲則霹空作祟任爾好物推做醜惡不堪不惟駭換
 更能唆聳官府憑怒加刑小民魂膽俱裂每逢票取物件無論
 正價賠償分外又添一番使費以致身家破蕩妻子啼饑盈市

盈○城○呼○愴○載○道○若○不○亟○行○嚴○禁○何○由○永○絕○弊○端○為○此○示○仰○官○吏
軍○民○人○等○知○悉○一○切○當○官○名○色○盡○行○除○革○須○用○物○件○給○銀○平○買
毋○許○空○票○白○取○防○官○武○弁○不○許○片○紙○擾○民○承○值○借○辦○尤○當○痛○禁
敢○再○有○持○票○索○取○勒○令○承○值○者○許○留○票○執○役○立○告○所○在○官○司○即
以○所○取○之○物○坐○贓○論○罪○凡○前○欠○價○勒○期○速○給○倘○再○遲○措○一○經○告
發○吏○處○官○參○斷○不○少○假○抑○本○院○更○有○言○者○微○聞○官○門○豪○僕○多○持
白○票○取○物○呼○索○無○異○官○司○價○值○悉○從○短○少○本○院○聞○之○愕○然○此○必
道○路○之○傳○聞○失○真○豈○果○賢○者○之○積○習○不○免○本○院○民○瘼○填○膺○並
苦○口○有○一○粒○此○便○當○速○易○造○福○桑○梓○知○有○同○心○勿○以○本○院○為○贅

語也

用○一○尚○須○緩○二○况○無○名○之○索○取○乎○小○民○雖○有○口○安○能○時○入
當○事○之○耳○願○加○採○訪○焉
錮○弊○相○沿○情○真○害○切○然○而○上○之○禁○革○難○遷○要○在○下○之○存○心
軫○卹○無○又○稽○不○給○而○中○飽○則○造○福○多○矣

禁○止○軍○人○催○卷○
 為○嚴○禁○催○迫○交○卷○以○杜○紛○擾○事○照○得○制○義○一○道○必○須○澄○心○靜○氣○
 接○脈○切○理○方○可○盡○一○日○之○長○士○子○一○行○入○闈○唱○名○之○前○竟○夜○守○
 候○或○衝○風○冒○雨○或○披○露○觸○熱○擁○擠○雜○沓○肩○趾○鑄○接○十○分○精○神○到○
 此○不○能○不○減○去○五○分○及○到○闈○中○號○舍○湫○隘○俛○首○束○身○污○泥○熱○濕○
 觸○鼻○臭○穢○十○分○興○會○到○此○又○減○去○五○分○且○題○紙○刊○發○遲○速○莫○必○
 稍○一○遷○延○便○當○亭○午○濡○筆○未○幾○又○已○夕○陽○漏○鼓○方○敲○條○又○鐘○鳴○
 雞○唱○平○日○環○堵○一○室○抱○膝○獨○吟○長○日○永○夜○幾○如○小○年○何○獨○場○中○
 唇○移○更○催○竟○同○飛○箭○十○分○本○領○到○此○又○不○能○不○減○去○五○分○種○種○

禁止軍人

用○一○高○貳○三○無○
 當○事○之○再○臨○林○
 離○樂○休○心○計○直○
 中○路○何○處○蘇○冬○笑○
 上○公○葉○半○銀○
 要○去○不○公○
 口○安○

苦○趣○事○事○銷○散○所○餘○寸○刻○即○使○假○以○習○靜○耳○不○聞○聲○亦○屬○為○時○
 有○限○難○冀○淋○漓○滿○志○况○闈○樓○諸○役○演○成○故○套○競○以○催○索○為○能○此○
 起○彼○應○一○唱○羣○和○未○到○薄○暮○已○催○騰○真○纔○歷○更○餘○便○嚷○交○卷○竟○
 夜○狂○呼○酷○似○犬○狺○滿○場○號○叫○何○異○鼻○音○雖○以○老○生○宿○儒○尚○且○脚○
 亂○手○忙○若○使○新○雋○髻○英○寧○不○心○搖○膽○落○或○謀○章○未○就○便○以○草○率○
 完○篇○或○繕○錄○方○殷○多○致○錯○違○規○式○甚○至○東○方○既○白○群○起○抽○卷○九○
 仞○山○頭○虧○於○一○簣○二○年○攻○苦○輕○付○東○流○此○乃○官○長○不○耐○疲○劇○憚○
 深○夜○之○辛○勞○遂○致○左○右○逢○迎○肆○咆○哮○之○長○技○設○身○處○地○何○以○自○
 安○本○院○自○入○浙○境○抱○牘○少○一○刻○之○閑○就○榻○無○三○更○之○夢○其○控○甘○

勞○熬○夜○久○已○習○慣○自○然○知○此○荼○苦○恐○不○嚴○禁○為○此○先○期○諭○知○場○
 中○止○許○交○更○之○時○掌○號○為○信○每○交○一○更○掌○號○一○次○此○外○令○嚴○夜○
 寐○諸○役○俱○要○歛○氣○屏○息○毋○得○輕○自○出○語○故○為○饒○舌○但○有○提○起○催○
 卷○二○字○者○即○立○刻○枷○責○決○不○輕○饒○凡○此○無○端○之○擾○悉○絕○有○用○之○
 文○乃○出○欲○使○諸○生○多○作○幾○篇○好○墨○卷○傳○頌○海○內○又○本○院○闈○中○更○
 鼓○必○嚴○飭○點○更○按○候○傳○漏○不○許○任○意○遲○早○諸○生○可○靜○聽○更○籌○計○
 刻○屬○篇○毋○以○有○意○之○延○緩○成○無○心○之○錯○亂○也○慎○之○慎○之○
 催○卷○最○亂○心○思○文○人○不○盡○所○長○禁○絕○此○種○大○關○文○運○不○得○
 視○為○末○節○原○評

大雪憲飲藜甘藿不知費了多少辛勤受了多少磨折方得一
 日成名自是文章入彀與爾輩有何干涉乃成羣合夥打家劫
 舍據其口若似附執趨炎跡其事慘于劫發盜臨彼強盜劫于
 一時若輩則動輒經月強盜猶效過貧窶若輩則吸盡貧富強
 盜則搜剿可施若輩則

王法不及甚至分投奪報殺人傷命白晝公行二三士子見其
 兇鋒四出惟恐累及身家敢不力盡筋力除滅其窟壑且又窺訪
 親鄰探聽眷族挨門排戶蟻聚蜂屯支姓受其魚肉瓜葛被其
 誅求真是士子進步時一場浩劫彌災甚有一報之費徑宦成
 而不能償兇風惡熖何所底止此等大惡不剪何顏復立民上
 本院已於半月之前密會固山額真特請滿兵威靈撲戰此輩
 並移會提督兩鎮檄行十協守巡十道多撥兵卒刻下防提但
 有報錄者俱以強盜論不論兵民人等有能拏獲一名到院當
 堂給賞銀三十兩決不食言為此示仰通知如遇獲雋之家報
 子列門許本宅及地方保甲人等即稟所在官司協力擒拿解
 院以憑重責一百板三百斤大枷一號三個月仍以強盜打搶
 論依律定罪奏請

國法地方官員容隱徇縱不寃不申者即以罪狀論處本院裁

法如山○鐵面無情○一字一言○從來不肯○虛發○兇徒各宜○稟遵○改
行○早息○妄心○毋如○飛蛾○投火○自蹈○死路○

此輩無賴○寔煩○有徒不耕不織○風花雪夜○浪費則揮金○似
土○終歲有如一日至叩其浪費○所從出○無非借報喜為名○
目○視仕宦如奇貨耳○士子窮年○斃○南博一第○此輩一到○
則放肆凌慄○不啻追呼○受害者○剝肉醫瘡○急於正項報喜○
之流○毒狗有然者○每遇鄉會○兩闌若輩○預先用賄交結○
中之長隨書役○暗通線索○曉未揭而錄已出名曰墻錄○此
非有通天之胆○能如是乎○

○外巡應捕

浙江王湯谷山東人

為嚴禁○外巡應捕○拷詐以除民害○事照得捕役之設○府有總捕

縣有巡捕處處皆然○惟杭城設有前右二衛經歷輪委外巡亦

得並設捕役○蓋因省會重地○五方雜處○誠恐奸宄竊發○特設外

巡衙門○令其巡緝城外上至江干下至湖墅以及十門附郭等

處往來稽察為固禦城池之計○原非令其沿鄉出水巡鹽捕盜

而設也○近聞老奸極惡○當充捕役○隨假外巡之名○拴合經承○朦

誑本官謀給印信○廣捕批文一紙○漸且分散○控各縣甚而分散

控各府○火器腰刀飛旗令箭行則械觸○十各路交馳○合則虎

外巡應捕

三

真

翼百餘群。兇團聚。構土棍。為通風。走脚隨地。線索招搖。押真盜。為出注。國頭到處。誣贓夥。陷素封。溫飽久具。冊籍於胸中。擇肉噬良。任意唆板。於頃刻。良民一經賜領。便是奇禍臨門。不由你辨假辨真。先教你傾囊。傾囊家私什物。寸草不留。婦女兒童。同時並繫。名曰捲灶。又名曰掃家堂。顧名思實。豈不寒心。更可恨者。鎖船擊艘。講公話事。到得賄飽。贓盈公然。不官即放。知其觸威。拂欲帶至古廟。深林極樣。罪刑百般。吊拷金銷。火鍛那怕不信。口隨供。當下招成。便據此。粧織盜案。解報官司。幽囚黑繫。倘有隣里。鳴冤妻兒。告屈此輩。即唆誣本官。通申上司。更且神通。

廣大巧布機關。或令別府積案。暗列其名。或令現獲真盜。新供為黨。乘機買勢。稟認贓。挽婦女牽告。重重密網。攪做一團。萬緒千頭。羅成大獄。問官見滿紙供招。事屬逼真。無心六問三推。本犯見子散妻離。搭救無門。不去死中求活。竟首認罪。飲恨成招。四境盆甌。幾無天日。以革且揚揚得意。放濫橫行。因而搃捕。巡捕等衙門。捕役眼熱心癩。俱掛名竄入其黨。蓋巡捕職掌止於一縣。而外巡可行於各縣。總捕職掌亦止於一府。而外巡可行於各府。夥多黨盛。勢兇毒熾。其害倍於虎狼。其禍慘於盜賊。怨海賊山。莫此為甚。極惡流殃。合行嚴禁。為以示仰官吏軍民人。

外巡應捕

等知悉以後外巡捕役止許照例督令首城地面巡緝務查不
 許亂給廣捕批文騷擾為害如有前項捕役橫行及非刑
 拷詐指盜陷良者嚴拿處死本官飛奏人犯鐵面無情有言必
 踐各宜凜遵毋忽

唆官通申顯弊易摘積案暗列隱毒難窮請此當為明察

嚴禁妖僧邪教
 為嚴禁妖僧驅逐邪教以肅法紀事照得本院奉

浙江王湯谷山東

命巡方首在觀風問俗聞得各郡有一等神奸大惡罪逆彌天
 逃避禪門私行祝髮招集僧徒虛添法號或指為善知識或稱
 為大和尚佔住叢林誣民惑世侍從啟口稱爺出入高擎黃蓋
 剋簪折節於堂威儀掃地婦女羅拜於膝廉恥全無更且親囑
 取名摩頂受記棒喝懺悔舉國若狂以致男女溷雜壞法作奸
 敗俗傷風莫可枚舉又有一等師巫邪說名曰白蓮無為等教
 妄立聞香圓通圓登名色不辨男女不分尊卑不別長幼不形

嚴禁妖僧

爾○我○狐○群○狗○類○哨○聚○一○團○立○冊○登○名○一○呼○百○應○愚○民○一○入○其○門○
不○顧○產○破○家○傾○士○庶○誤○宗○其○教○每○見○焚○身○斷○爪○春○間○有○詐○稱○石○
佛○徂○秋○又○有○剪○紙○為○妖○入○室○壓○人○者○種○種○惡○狀○俱○出○以○革○因○而○
聚○黨○成○羣○盈○千○累○百○招○亡○納○叛○釀○禍○地○方○本○院○聞○之○不○勝○髮○指○
合○行○嚴○拿○禁○錮○為○此○示○仰○云○
昌黎所謂火其書人其人預灼必害

○ ○ ○ 緝棍坑民

浙江王湯谷
山東人

為嚴拿說合借債奸棍以避民困以肅法紀事本院奉
命巡方

簡書是畏民瘼當恤不敢不嚴不敢不盡訪得有等棍徒混名
白日鬼崇以酒食為性命慣以說合為生涯局賭幫關無所不
至眼有一等不肖蕩子關賭落局難見父兄奸棍乘机當色以
蛇蝎之心弄簧鼓之舌千般打合極力應承借少借多儼似探
囊自取患痴一時惶惑墮其彀中奸棍遂領赴放債之家名曰
扯絳說合立票每十兩僅得八九折其餘扣頭悉歸扯絳之囊

酒食等費○又於八九兩之中取用○方得到手○十已去其三四○而
 杜緯者○必預筭其親友○擇其殷實○毒謀倍出○埋伏機關○必使借
 債之子○致得一賠○又牽放債之人○覷面一言○便借口○此賠是為
 作保有等老成親友○知此界阱○難入當下○隨借隨還○連利已足
 加倍○或有少一延挨○按月便是加二○然使加二子錢○逐月交明○
 則本銀尚可○異仍原數○無柰杜緯奸棍○必不零收○壓下一月○利
 又加利○逃月積累○轉盼便成數百○父兄親戚○難極知害○患到得
 如許○那得應急物件○必不能一時清楚○遂勒房產為質○或父兄
 作保○初則原契無名○尚且尋枝杜葉○今則並列票約○怎當火熾

風催不得不將祖先田產○汗血家當○變賣償還○又無柰債途坑
 整人○人怖畏○一有此事○誠恐波累遠避○不暇誰肯承買○有產無
 售○不得不日延一日○日延一日○不得不負重一日○吃穿取索盈
 室○填門坐臥○飲食無分○內外舉家○日在湯火○親戚恣坐針毡○而
 杜緯奸徒○方且生發樂得○快活往住○一家欠債○蔓累數家○蕩產
 傾資○納污舍垢○非惟民害○切膚亦恐大開風化○本院聞之○幾為
 睨裂○為此披肝瀝胆○說到此間○真是一字一血○如聞言不悟○怙
 過長○非仍有前項奸棍○依舊說合杜緯○借債害民者○許不時赴
 院舉首○審寔情罪○必將奸棍立斃○於下○本院于爾等百姓○穩是

任學大業
家人父子好百姓就如好兒子固是掌珠愛惜不學好之子弟
豈有不多方教誨自示之後敢有再行關賭債累父兄者並許
其父兄舉首本院預設三百斤大枷以待枷示通衢以為不才
榜樣如父兄不舉今日不才之子弟即異日做賊做盜無所不
至之奸徒賭近盜淫近殺爾父兄豈不聞之縱容姑息禽犢之
愛稍有知識者不為本院定將本犯父兄一併枷處決不爾貸
各宜慎察勿以身試法特示
林示峻峭提唱警惶此示哀痛令人恐怖勸世婆心只無
有兩

申禁抽豐

為嚴禁抽豐以甦民瘡事照得朝廷設官分職務在執法

秉公况浙省賦重役繁民亦勞止加以頻年災後閭井蕭條官

斯土者既已觸目警心自宜撫循愛養若夫他鄉遊宦爪李須

嫌本者薦紳梓桑當念頌此名節所關應盡屏芑直之志矣無

奈年來抽豐惡習沿以成風官府以聽人情為常情即宦客亦

以說分上為分事凡諸詞訟錢穀進取功名無不偏聽曲徇是

非顛倒視貨賄之多寡定情事之低昂簿書判署竟為東郭之

墻寺院招提到處登壘而望此輩止重錢財不顧廉節官府徂

浙江巡撫朱雲明
高唐人

申禁抽豐

子情面○違惜○民瘼○甚有○不肖○之尤○以知交○為外府○名曰○抽○豐○寔
則分潤○無怪乎○官宦○日以○豐○而百姓○日以○瘠○也○為此○示諭○官員
人等○知悉○嗣後○聽理○詞訟○給放○錢糧○品題○官評○衡文○取士○俱要
秉公○執法○不得○枉屈○徇情○見在○知交○遊客○盡行○驅逐○回籍○不許
潛留○地方○至於○本省○紳士○尤宜○各自○愛身○慎勿○強人所○難○倘有
干于○理法○本院○既執○有素○斷不○曲徇○莫謂○過耳○常談○可也○雖然
抽○豐○之義○何居○乎○惟自○豐○而後○人思○取之○也○若官○府采○能○廉約
褪躬○冷面○自矢○則被○知交○宦客○方且○退避○三舍○尚何○豐之○可抽
其各○勉之

文告○內有○六且○聞有○司官○不能○峻拒○嚴屏○反曲○意違○迎
有假○游○客之○來○而巧○為○暮夜○之媿○者○本院○姑緩○嚴摯○以存
法外○之仁○留其○軀命○俾還○鄉井○限定○三日○盡驅○出境

我○中○上○下○留○集○雖○命○新○戰○准○非○別○史○王○日○事○歸○出○身
不○類○除○害○二○乘○向○引○諸○審○其○上○與○情○本○知○林○與○其○身○公○許
文○廿○山○不○六○且○開○有○不○州○如○外○罪○身○不○曲○漢○造○也

濫收豆料

新撫 部院 朱雲門 高唐人

為○嚴○禁○濫○收○料○豆○以○杜○侵○漁○事○照○得○滿○營○馬○足○為○戰○守○急○需○日
支○料○豆○時○不○可○缺○然○必○計○馬○餵○料○庶○無○冒○濫○侵○漁○今○查○該○司○每

月○冊○報○放○給○豆○價○盈○萬○盈○千○並○不○詳○明○擅○自○支○餉○體○訪○其○中○情
獎○向○有○積○年○奸○棍○串○通○積○蠹○冒○稱○牙○行○說○云○有○豆○運○省○報○以○白
頭○呈○詞○開○報○或○數○千○石○或○數○百○石○誑○司○批○縣○查○收○管○無○粒○豆○到
棧○而○該○縣○奸○蠹○朦○出○寔○收○報○司○請○餉○上○下○通○同○剗○庫○放○給○歷○年
銅○獎○牢○不○可○破○延○及○數○年○之○後○非○稱○頭○爛○折○耗○即○捏○支○放○虧○額
希○圖○冒○破○開○銷○以○致○仁○錢○二○縣○積○欠○各○年○貯○豆○四○萬○六○千○七○百

濫收豆料

見

任事大... 考... 四五

二○十○餘○石○近○仁○和○縣○官○役○久○朋○侵○四○萬○餘○石○俱○全○無○着○落○始○則
紛○紛○詳○院○追○究○見○今○缺○豆○虧○餉○不○可○復○問○矣○此○二○者○標○冊○而○言
乃○知○經○承○欺○隱○若○未○報○者○又○不○知○凡○幾○也○第○今○滿○營○馬○匹○月○支
豆○石○原○有○定○額○自○當○酌○量○買○貯○置○簿○稽○查○力○除○蠹○弊○其○過○往○畏
養○馬○匹○日○期○有○限○似○應○奉○文○到○日○詳○請○辦○買○用○洗○涎○前○積○習○合
行○嚴○飭○為○此○牌○仰○該○司○照○牌○事○理○即○便○會○同○右○布○政○司○速○將○滿
營○各○旗○寔○在○馬○匹○月○支○料○豆○各○若○干○清○查○左○右○二○司○從○前○收○貯
棧○豆○見○有○若○干○徹○底○扣○算○可○抵○放○幾○月○積○寔○報○院○以○後○支○餉○糧
豆○務○將○商○牙○某○人○有○豆○若○干○每○石○時○價○幾○何○應○動○某○項○餉○銀○各
由○報○明○以○憑○委○官○驗○寔○方○許○量○收○上○棧○將○印○信○寔○收○開○明○價○值
詳○院○批○允○方○准○給○發○仍○置○收○支○截○白○文○簿○二○角○送○院○印○鈐○發○司
收○存○發○填○買○豆○放○豆○數○目○按○月○送○查○不○許○仍○前○虛○捏○侵○分○錢○糧
如○再○故○違○定○行○題○叅○本○院○有○年○終○奏○銷○之○責○斷○不○代○人○受
過○也○法○在○必○行○毋○容○套○視○一○面○將○見○在○侵○欠○各○數○目○挨○序○年○月
并○經○管○官○從○姓○名○細○冊○限○日○內○呈○報○以○憑○施○行○毋○得○遲○延
利○豆○欠○株○連○幾○烈○控○欵○緩○變○措○矣○銳○意○刷○整○誠○為○公○私○兩

濫收豆料

卓觀堂

仕學大系 卷四 四

○禁○飭○投○旗○放○債
○為○嚴○禁○投○旗○保○放○營○債○以○塞○害○源○事○照○得○投○旗○營○債○二○事○寔○為
○今日○地○方○大○害○總○緣○本○地○狡○點○之○徒○或○避○徭○後○或○犯○不○法○輒○投
○旗○營○為○護○身○之○計○以○致○丁○冊○缺○額○賦○稅○空○懸○有○司○不○敢○過○問○里
○甲○代○為○賠○累○如○抱○睡○毗○小○忿○即○圖○報○怨○構○兵○紮○詐○及○至○脫○逃○又
○株○累○親○族○流○毒○無○已○深○可○痛○恨○甚○有○主○棍○積○歌○指○引○旗○下○營○丁
○携○本○放○債○盤○剝○小○民○作○彼○爪○牙○從○中○攫○利○而○無○知○愚○民○或○以○官
○錢○衣○食○之○迫○誤○墮○其○術○或○加○二○或○加○三○按○月○滾○利○迨○至○日○久○千
○化○為○母○變○百○成○千○遂○爾○準○折○田○產○拘○繫○妻○孥○逼○寫○身○契○累○及○親

浙撫 部院 朱雲門 高唐人

化○為○母○變○百○成○千○遂○爾○準○折○田○產○拘○繫○妻○孥○逼○寫○身○契○累○及○親

禁飭投旗

五

什學大... 屬或行潛逃或投盜夥或被毆斃或自輕生雖由自取固不足惜但其害源寔始於保放營債之惡棍也除積年保棍窩款奸徒密訪拿究外合行禁飭為此示仰軍民人等知悉自後如有願充旗下為奴者果為衣食缺乏無所依倚並無欠糧犯事里隣親族有結方准投旗其營丁放債地方里甲不許容隱土棍窩留敢有仍前故違該縣即行申報定提保債借債之人各重責九十板枷號九月示懲窩寓之家定照隱藏逃人新例從治罪里甲隱蔽不報一體連坐决不輕貸特示

○禁用酷刑

巡撫 朱雲門 諱 裕 昌 高唐人

為嚴禁酷刑以保民命事照得古者設刑治奸正欲惟期無刑我

朝設法雖嚴而用法未嘗不寬雖負固之徒盜兵潢池尚予自新之路無知小民偶因雀角原無必死之條近聞不肖有司每以小事擅用重刑以酷濟貪草菅人命殊干功令除一面密訪確實拿問外合行嚴飭為此牌仰該道照牌事理嚴飭所屬府廳縣印各官除真正人命強盜等情依法鞫固外其餘一切小事不許擅用夾棍并監內鐵籠押床一切非

刑○及○私○取○絕○呈○如○敢○故○違○一○經○犯○屬○告○實○官○吏○立○行○拿○問○獄○卒
鎖○提○處○死○斷○不○姑○徇○各○宜○凜○遵○毋○輕○嘗○試○各○取○遵○依○彙○繳
禁○飭○非○刑○仁○言○利○溥○說○到○以○酷○濟○貧○處○警○切○傷○心○為○民○上
者○應○共○發○善○提

禁帖歌謠

為○申○飭○事○照○得○本○院○經○過○道○路○見○士○子○稱○頌○縣○令○遍○貼○歌○謠○墨
跡○方○新○紙○箋○甚○麗○惟○恐○本○院○之○不○見○也○者○心○竊○鄙○之○做○官○優○劣

山西李滄葦泰興人

上○司○自○有○定○衡○豈○敢○任○激○揚○甘○同○齷○贖○便○操○評○考○於○附○會○之○口
若○論○秀○才○本○色○據○梧○長○吟○則○應○目○不○窺○園○研○究○經○濟○則○應○留○心
當○世○誼○篤○粉○輸○則○應○痛○陳○疾○苦○未○聞○有○工○於○頌○德○稱○功○而○可○為
士○子○之○姱○修○者○止○因○良○莠○呈○身○遂○使○申○楮○減○色○惡○習○陋○風○合○蚤
嚴○飭○此○後○倘○有○狡○墨○之○吏○慮○其○覆○敗○偽○開○政○績○囑○託○揄○揚○雖○多
方○巧○飾○豈○能○欺○本○院○之○耳○目○其○穢○劣○青○衿○及○剗○刷○人○等○如○有○再

刑前項歌謠榜貼通衢者本院聞見所及定寬其從來一體治

今日刻頒布德之人即異日刷揭造款之人興言及此則歌謠不可恃而寔可畏矣宜有識者早為早鄙耳

嚴飭關防

晉撫紀

為嚴飭關防以肅吏治事照得職官例應關防故一到本管地方即將隨任家屬封鎖衙內不許縱令出入所以絕內外之賁緣肅官箴而杜弊竇也近訪得所屬官吏多有將隨任人役縱令出外不避嫌疑或遨遊於城市之中或馳驟於鄉村之內或勾結衙役而飲酒宿娼或密交無賴而搖詐騙或知其家殷富即設計以鯨吞或見其人良懦即借端而魚肉或捏莫須有之事羅織無辜或採不相干之言誑官行詐捕風捉影罔顧小民大干法紀合行禁飭為以示仰通屬官吏知悉以後無論大

仕學大業
小衙門俱當嚴肅衙規開防內外自重官箴如有縱令隨任人
役私於本管地方出入無忌內外交通者本院訪出定將本官
指名題參斷不姑貸各宜恪遵毋自貽戚
為吏治防微為官箴愛鼎是主持世教關鍵應為是處
行

示湖廣地方

兩淮鹽院姜滙思

為嚴飭私販以肅鹽政事照得湖廣一省自永衡寶三府改食

廣鹽其十二府一州舊額派行大引鹽四十二萬七千五百引

今本朝欽定部引一為二例應行鹽八十五萬五千引

湖南等府關係兩淮鹽課者止長沙辰州常德三府靖州一州

其九府雖戶口難比疇昔亦不應如節年小引僅以三十餘萬

計者且強梁私販連籍巨艘捆載萬億鹽斤而去者大約以湖

廣為歸市使戶口凋傷鹽無食指何以私販行而官課絀耶總

因地方官司蔑視國憲以鹽法為可有可無之政以本院為

仁學大業
卷四
示湖廣地方
五二
33

不痛不癢之官當繡斧暫停尤無顧忌坐使國家大業官諫

緝行五分之一而私販寔奪五分之四營頭兵將如虎負嵎巡

緝官役如鼠出穴兼之不肖官司仰承鼻息方且奉行私鹽代

為市鬻有引官商守株延俟不免刁燈法紀蕩然後將何極本

院凜奉嚴行緝捕防杜私萌不公不法即行糾舉之勅諭

凡所轄行鹽道府州縣等官各宜仰遵功令改絃易轍以

圖自新合行嚴飭為此示仰云云凡營頭將卒糧座兵船敢有

指稱兵餉等鹽倚恃大小衙門牌票仍前販鬻者即行擒拿報

院以憑飛章叅究如因循不行覺察依阿不能主持通同賣法

本院即以養奸亂政遵照勅諭就便拿問決不姑徇毋違

訪得巡鹽總官濫用多人以致恃腰牌為護身每以連檣

巨艘恣意私販行至市鎮假扮鹽犯墩鎖船頭遇僻靜處

所即便交易殊不知墩鎖之鹽犯即捕役之同夥巡鹽之

捕快寔私販之鹽徒大干法紀深可痛恨

示湖廣地方
五二
33

○禁倉糧陋規

浙江徐治字遠東人

為嚴飭解收糧米以佐契緊軍需事照得各屬起解南米原供

滿漢官兵計人授食之需豈容已解到省尚爾逗遛水次不即

過壩赴倉上納明屬奸解串通積歇意圖朋比侵蝕有悞契緊

軍需除另行拿寃外合再嚴飭為此示仰各屬解糧員役知悉

俟候凡解省倉糧米遵即投送批文聽候發單星夜搬運迴壩

赴倉照數完納敢有已解到省不即投批及已發單串通奸歇

乞混不行赴倉上納本司定即差拿解從嚴加寃懲以違悞軍

需立行處死糧官管倉經承及倉級人等已奉發單假公濟私

禁倉糧陋規

五

仕學大業
遠○禁○指○勒○陋○例○不○即○開○倉○收○貯○許○解○役○扭○稟○本○司○審○定○立○行○重
究○解○從○臨○倉○掛○欠○該糧官經○承○受○賄○不○即○追○補○一○併○處○死○本○司○法
在○必○行○斷○不○虛○言○有○悞○兵○食○重○務○也

公○歷○浙○之○左○右○藩○詳○謹○子○諒○斐○中

賜○環○載○司○江○鑰○所

至○有○聲○惜○未○輯○其○行○稿○僅○檢○寄○遺○問○世

○禁○屬○派○買○官○參○詳

福建周櫟園諱亮工右藩

為○公○務○事○案○照○奉○撫○院○張○憲○牌○仰○司○官○吏○遵○照○咨○文○內○事○理○速

照○承○行○飛○促○委○官○某○前○赴○部○院○陳○領○運○部○發○人○參○一○千○觔○到○關

分○發○文○職○官○員○以○作○一○年○俸○薪○之○用○原○派○俸○薪○銀○兩○各○照○官○職

大○小○按○季○扣○抵○參○價○解○部○等○因○奉○此○云○本○司○看○得○部○發○人○參

經○職○會○同○臬○司○各○道○府○縣○各○官○當○堂○秤○兌○既○不○容○少○有○採○秤○亦

未○嘗○畧○短○分○毫○秤○兌○之○後○臬○司○各○道○疊○加○硃○封○以○待○各○府○之○自

領○衆○既○以○為○無○私○矣○然○職○向○奉○使○經○由○省○直○聞○前○此○發○參○地○方

守○令○盡○分○派○民○間○穀○戶○承○買○上○價○爾○時○民○為○規○避○差○徭○之○計○各

禁屬派買

辭○殺○寔○之○名○甘○心○暗○賂○經○承○不○敢○顯○居○大○丘○彼○為○吏○者○初○常○試
而○知○甘○既○因○仍○而○飽○欲○以○參○為○餌○以○民○為○魚○信○任○蠹○胥○橫○行○蠶
食○彼○南○脫○鈞○此○復○罹○網○展○轉○相○及○郊○郭○靡○遺○民○徒○畏○彼○虛○名○吏
幸○居○為○奇○貨○效○尤○鍾○弊○不○在○皆○然○即○就○開○論○之○在○昔○不○無○陋○規
迄○今○尚○為○談○柄○使○民○之○視○參○猶○如○荼○革○是○參○昔○為○養○生○之○需○而
今○為○毒○民○之○具○也○今○伏○讀○戶○部○發○參○咨○文○似○詳○知○前○弊○今○不○得
派○之○民○間○仰○見○盛○朝○恤○民○之○至○德○而○職○更○有○意○外○之○防○焉
如○納○監○原○聽○人○願○納○今○則○有○勒○令○有○余○點○是○明○知○有○部○文○有○憲
繳○而○固○背○之○矣○則○發○參○一○事○安○保○其○不○亦○蹈○覆○轍○耶○夫○近○首○會

者○或○知○願○忌○不○敢○實○行○他○如○僻○縣○窮○鄉○未○能○家○諭○戶○曉○愚○民
不○達○朝○廷○之○意○指○而○長○吏○又○專○區○部○憲○之○明○文○席○吏○得○以
恣○其○貪○蠹○役○得○以○行○其○詐○騷○擾○良○民○玷○溺○隆○化○莫○此○為○甚○職
所○以○不○避○怨○嫌○敢○為○陳○請○計○今○發○參○各○屬○多○不○數○觔○本○官○即○竭
力○以○償○所○輸○有○限○何○必○借○端○滋○弊○伏○乞○憲○裁○嚴○賜○中○飭○敢○有○不
遵○部○文○與○憲○檢○明○雖○捐○俸○暗○派○富○家○者○許○本○人○指○名○首○告○及○上
司○確○訪○報○聞○以○憑○揭○詳○拏○問○置○之○重○典○庶○足○官○方○警○惕○而○百○姓
惠○安○矣○
此○雖○一○節○偶○行○無○關○藩○務○然○其○痛○陳○民○隱○燕○舉○屬○階○可○為

留心地方之至○備登談採○

○禁丈量苛擾

浙撫 蔣君砥 請國計 部院 滿州人

看得丈量文冊先據屯司呈送冊式內開原額若干今丈若干
本司以全書刊載止有通縣總額並無各里細額是以不註原
額止註原辦糧若干今丈窠若干庶幾丈出丈缺數目得以稽
查也○今各縣士民不細繹頒行冊式有稱該縣煨燼之餘並無
圖籍焉有原額等語不知所頒冊式原不令其填註故明萬曆
年間丈量原額也該縣歷年徵收錢糧屢經赤曆豈無科徵原
額但今丈實之數與辦糧之數無異應註原辦糧若干○今丈
實同則與冊式相符矣原頒魚鱗簡明二式無容更議第本司

復有請者前送冊式止開田地山蕩四項是舉其大綱也今查
 全書刊載各縣地土名目尚有曰淺曰塘曰池曰堰曰灘曰園
 曰潭曰磯種種諸名至於田之中則有徵田折田官田民田學
 田竈田僧田圩田塗田熟田天田坑田泉田礮田沙田又有吉
 折田京折田祠祭田書院田高阜田地成田江沙田砂礫田新
 陞田上則田中則田下則田水患田海患田上患田中患田
 惠田義庄田新沒田孔氏祭田各鄉各村田種種諸名地之中
 則有徵地折地基地官地民地僧地稅地塗地竈地上地中地
 下地學地市地鄉地蕩地又有高阜地義塚地祠堂地沙瘦地

山改地全荒地沙基地新沒地各寺地種種諸名山之中則有
 官山民山土山石山花山原山壘山荒山柴山茅山光山上山
 中山下山平坦山各鄉各寺山種種諸名蕩之中則有徵蕩草
 蕩魚蕩塗蕩鈔蕩新陞蕩種種諸名以上各有額徵科則若不
 逐一分晰則額徵銀米無從科算俱應遵照全書悉仍舊名不
 得混稱田地山蕩不行分晰亦不得於本縣刊載之外牽引別
 縣名目混行增設也抑本司更有請者士民明知所頒冊式止

造原辦糧若干不造原額若干而為此籲請者或慮開造原辦
 糧數其中丈出丈缺官吏因而吹求業主因而起訟皆未可知

本司第思原奉部文內開隱匿之人○在巡撫等所查之時○所

隱地丁自首者免罪○自出首之年○起科遵奉在案○

功令普頒炳如星日○凡有隱匿地丁不納錢糧者○俱應從公清

查據實追報○凡於自丈之時○增出田土戶口者○此係憲臺清

查之時○均係自首○仍候具題○之後奉有

俞旨○部文到浙之日○方照新造地丁之數○科徵○其未經奉文之

先雖有丈出丈缺之數○仍照編審原冊○科徵○至於民間經界○歷

年混淆○或有趙甲之產錢乙辦糧○錢乙之產趙甲辦糧○今既丈

明○或將積年代賠之糧○索取償還○此端一開○聚訟不休○葛藤

已矣○伏念朝廷尚不遑論○既往業主○豈得互相訐訟○一概不許○告理○如有

喪心病狂○醉生夢死之徒○從中生事○嚇詐責令○道府刑官○廉訪

實跡揭報○題參併祈○憲臺嚴加批示○以便一併申飭○庶

朝廷之寬大○聿昭里民之疑○懼不生○而丈量之政○亦得以速竣

矣○奉總督部院趙批○該司此詳○極切時弊○且歷指田地山

蕩之立名不一○總屬原名○原額清查○又如趙甲之產○錢乙辦糧○

錢乙之產○趙甲辦糧等語○查民間經界混淆已久○雖有田無糧

與有糧無田者○祖父不得而知○子孫相沿○不覺誠如司議○如將

積年代賒之糧○索取償還○此端一開○真聚訟不休○葛藤不已○矣○
 嚴行禁革○違者○題參○但○百姓樂於無事○衙役貪官○以多事為○
 喜○尤當密行廉明府廳揭報○後重○參處○庶丈量之政○可以連○
 後○而田野農民○少得甦息矣○又○巡撫部院蔣○批據詳各款○
 明晰周到○剔釐至當○仰司通行申飭○惟增出田丁○如果係自首○
 應開作自首○如丈出丈缺○新墾編增戶口○各照款目填註○官役○
 不得借端苛求○此繳○

康熙四年八月十九日

丈出丈缺噴有煩言得此通行始免葛藤矣○

飭諸生保留

一開周標園河南

照得官評臧否○上臺自有公道○乃有等劣○矜刁○民違迎有司○
 無端諛頌○有故保留○乃有司墮其雲霧引為親暱○因而開通賄○
 賂○出入把持○辱士風而敗官箴○本司最所痛恨○及抵茲以來○通○
 衢紅帖當署樹旗更屬創聞○不勝駭愕○夫有司果賢○何必藉諛○
 指此輩使有司不肖○欲蓋彌彰○况今日刻帖頌德之人○即日○
 刻揭告款之人○今日監旗留官之人○即日懷磚擊官之人○不○
 加嚴懲○何以示警○以前姑不深究○自示之○後如有仍前粘帖監旗○
 者○本司現帶學篆劣矜立行黜革○百姓嚴拏重處○決不輕貸○

飭諸生保留

六一

卓藩堂

陽○矯○之○輩○如○鬼○如○城○有○識○者○當○不○墮○其○雲○霧○至○有○事○壞○局○
傷○而○反○求○此○輩○之○援○手○抑○亦○策○之○最○下○品○之○不○堪○者○矣○

○織○獄○擅○殺

巡憲 胡貞巖 浙江人

為○織○獄○上○干○天○道○擅○殺○大○悖○王○章○特○示○禁○絕○清○盜○全○良○事○照○得○
泉○部○歲○苦○兵○荒○盜○風○孔○熾○有○司○不○能○盡○詰○鄉○民○相○率○為○讐○真○賊○
每○多○漏○網○無○辜○屢○被○株○連○捕○役○貪○賄○弄○法○爰○屬○板○供○土○豪○逞○恣○
快○私○句○同○夥○證○屈○宜○聽○之○墨○吏○生○死○寄○乎○舌○尖○無○錢○買○命○有○口○
難○言○質○對○則○血○肉○滿○堂○招○詳○則○供○證○盈○紙○積○案○塵○封○動○經○數○載○
讐○口○羅○織○不○厭○多○人○所○以○朝○入○圜○扉○而○暮○登○鬼○錄○怨○毒○叢○為○崇○
厲○膏○腦○化○為○獄○燐○安○得○不○召○災○傷○而○生○疫○癘○也○尤○可○異○者○捕○官○
憚○于○奉○公○視○賊○窩○為○畏○途○防○弁○喜○于○多○事○以○堡○寨○作○几○肉○始○養○

冠而不報。繼借殺以要功。見贓則盡取。瓜分獲伏。或半為李代。殘民以逞長。究之尤仰府官吏轉行各屬。及防捕職官。凡有擒獲賊犯。贓仗真確者。隨獲呈解。不許吊拷。吸贓。該縣具解。不得擅監。鍛鍊。該府應發。徑發。應詳。就詳。應會勘者。即請會勘。毋許奸蠹。輕重其辭。捕防上下。其手如有私相攻擊。寬賴平民。該縣無跡可查。道府無文可據。土惡擅殺。弁兵勢搜。致令無辜受害。憲章具在。國法難容。特此通行示禁。

周詳

禁借營債

嶺南林鐵崖 謹識 守憲 福建

照得自雄來者。皆口口稱雄。民為營債。所苦至於妻女鬻質。言之髮指。本道獨以為罪在民。不在兵。夫兵債之數日。而利倍。再數日。而再倍。又數日。而三倍也。此其毒如烏喙。長葛。然烏喙。長葛。是以死人。人人知之。而不敢服。故人之死。於烏喙。長葛者。極少。其以為喙。長葛。死者。則皆其明知而故服之者也。烏喙。長葛。何罪哉。不責服烏喙。長葛之人。而答天之生。此物以毒人也。豈理也哉。今兵債。雖狠。豈能執途之人。而強之以借乎。既已借矣。而至期不還。又安能責此輩。以馮驩焚券之事乎。為此示諭軍民。

禁借營債

六四

五

人等凡有狼心蕩子再與營兵揭貸者是明以妻子為奇貨可
 驚也其為兵民居間者是明以人之妻子為自己甜餌之媒當
 以掠賣人口之罪罪之登時杖死然後申報雖然兵亦人也亦
 有妻子也何苦以有限之利息犯此深重之罪劫哉
 平民薄息輒起廣放之刁自營積盤美真有妻孥莫必之
 勢而樂于從事者指不勝屈夫莫可誰何之事口渴食鹽
 尚可憫也至於風花豪舉亦向此中生活想當狗彘不食
 其餘矣
 林公此示可謂涕泣而道何甘心者滴上皆
 也

禁婦女燒香

杭憲范正河南人

禁約事照得杭俗娼奔成習每逢春月民間婦女率皆入寺燒
 香駢肩疊迹于招提遂隊成行于道路盛粧艷服女男稠雜而
 不羞註疏題椽僧道擁挨而不怪甚至艷悍兵之目生惡棍之
 心受辱啟淫無所不至良可浩嘆為之夫男不但不能禁止且
 有相逐携行者風俗頹敗最為可鄙合行嚴禁為此示仰士民
 人等知悉嗣後無論城市鄉村老少婦女俱不許往來寺院燒
 香賽忽說法聽經以長姪褻之風敢有故違本道不時差人巡
 訪定行嚴拿夫男重責枷號僧道住持不能拒絕擅自接引者

一併究處斷不姑貸
詞嚴義正是有闕世道語易地皆應禁飭

○○○革禁妓樂

聞往例春事有以娼優為戲者昔女樂一受而雉噫遂歌豈有
以粉黛造公堂者哉丞羅之是

文天瑞

相沿陋例藉口孔子獵較之說得此教言足以挽頹振俗

禁錮婢

嶺南守憲林鐵崖福建人

為風俗事幼考古禮男子三十而娶女子二十而嫁有故者終

二十五而嫁私心迂之在男子未為愆期若女流正恐玉貌易

頹柳亦冰心弗願矣不謂韶俗更有甚焉家畜了鬻及笄而嫁

者十無一二往往迢迢淹固蹉跎年月至三四十歲猶不知正

夫妻之倫完家室之好者縱幡然棒配而屈指歸桃之日亦既

未之年矣夫夫頌之道絕則父子之倫熄本道與爾俗莊語必

近吾言但使生寡之女倚市誨淫招搖井儉奈何又使賈墻不

高驀地狐綏柰何又使外有設餌之芳而內無投梭之拒柰何

禁錮婢

六

九

任學大業
六十七
早齋堂

不可說也。言之羞也。爾俗以吾言為惧否。夫風俗頹壞，之不可

在一時。救之非可一日。所賴二三賢良君子共為釐剔。除從前

存而不論。禁飭之後。合城內外鄉約地方。亟錄其家有某婢。當

嫁不嫁者。若干人。盡十日內回報。本道勒限議婚。以兩月為期。

勿俾怨女曠夫。上干天和。中涖皇政。而下絕人紀。則自今

始。鴛鴦枕。鵲橋河。必再逐楊花。且朱顏白首。為之平分春色。非

但移俗。而且止。淫。特諭。

再禁有云。始信生女鬻人。不如落箇之棄。卑身作婢。遂失

人道之平。延習已久。惜不知故。自今伊始。各主翁作速。

贅母使舟。餘青轉瞬。奄謝庶枯。楊生稊女。無夫而有夫。

老馬為駒。主無奴。而有奴。不獨如燕。新婚抑且並。襄家務。

其飭行之毋忽。

其後序

○文○無○以○西○亦○以○不○解○以○無○除○故○附○且○並○身○於○終
○發○每○日○自○主○○發○青○轉○卸○委○權○無○計○○主○○主○○主○○主○

○官○免○遵○依

浙江糧憲

○為○中○飭○官○收○官○免○之○法○嚴○禁○私○加○私○派○之○獎○以○肅○漕○規○以○甦○民

○害○事○本○年○某○月○某○日○蒙○巡○按○御史○王○憲○牌○前○事○內○稱○浙○省○漕

○糧○每○百○石○加○耗○米○九○石○八○斗○原○係○向○來○成○例○緣○每○歲○臨○免○之○時

○刁○軍○橫○甲○勒○贈○繁○多○衙○蠹○倉○胥○需○索○無○饜○順○治○五○年○間○隨○經○張

○糧○道○條○議○將○九○石○八○斗○折○銀○若○干○又○貼○盤○運○經○司○諸○司○若○干○名

○曰○截○銀○令○官○收○官○免○使○軍○民○兩○不○相○見○杜○絕○勒○索○之○端○最○為○良

○法○彼○時○尚○不○分○別○正○耗○至○順○治○八○年○間○前○院○杜○謂○此○項○截○銀○正

○米○應○給○耗○米○不○應○給○特○端○題○定○在○案○云○又○經○撫○院○秦○另○疏

○世○學○大○弄
○官○免○遵○依
○云○云

行學大... 題定在案則是漕兌一項兩經具... 題兩經奉... 旨官截之外不許科派分文官收之後不得再令民兌通飭各... 屬遵行已久無索婪弁悍丁愍不畏法往往到臨倉領兌之日... 檢合官兌經承關通各處倉蠹故嫌米色不堪酷勒節贈... 以致押差保歇乘機誣兌官截之外另派私截私截之外又派... 茶錢酒費及話會洗澡等項層層剝削轉展誅求稍不遂意非... 以鼓噪嚇縣令即以候漕脅愚民有司恐碍考成只顧粧靜... 啞百姓念及身命誰敢講是非典樓賣產剝肉醫瘡小民一... 石之糧費用幾浮於正數毒弊相沿牢不可破本院知之最久

念之痛心仍恐事關漕兌從中或有雜出別費非本院之所能及... 聞者因備行糧儲道條分縷悉取具前項款樣確報前來懸此... 明鏡可以畢照魑魅今當開徵之始相應預為嚴飭為此牌行... 糧儲道如有刁軍橫甲仍前借端生波酷勒私截及經承倉蠹... 押差保歇等輩通同打合指稱誣兌名色虐民蠹國者該道... 訪寔不時密揭報聞以憑嚴拿法究立置重典此大害大獎法... 在必行等因奉此擬合遵行嚴為申飭理合先具遵依呈繳伏

乞照驗施行... 軍民兩不相見勒索私派自除... 為兌漕要着力振遵依

官兌遵依

禱漕匪滋

○官舫夾帶

○為官舫夾帶貨船漏鈔虧額難問請乞

楊川李荆函 謹 示嚴禁以裕國

○謀以通商賈事為照開稅定額分毫難虧官舫夾帶明季陋習

○今猶相踵前已詳請禁止未蒙 頒發不謂近日南北稍通一

○切文武紳弁官舫往來或托赴任或假 欽 陛見名色

○及正鑲各旗莫藉何官何職已用未用交通奸棍舡頭將船停

○泊燕湖瓜儀數月檢截客貨攬入官船滿載始行不惟分毫鈔

○稅不納而隨帶丁僕員役錢充滿州服色如虎如狼簿籍船頭

○卸尾揚帆而去令人莫敢誰何稍有詰問便櫻其怒甚至克橫

士學大吏 官舫夾帶

無○狀○毆○罵○權○役○凌○侮○司○官○殊○非○
朝○廷○設○官○通○商○之○辭○且○其

船○隻○所○載○茶○布○紬○段○磁○器○等○物○皆○係○江○南○重○貨○每○船○資○本○不○下

萬○千○而○見○在○往○來○納○鈔○者○不○過○附○近○魚○蝦○米○菜○數○尺○小○艇○為○鈔

錢○而○是○巨○商○富○賈○皆○為○紳○弁○奇○貨○而○日○夕○所○權○不○過○與○輕○躬○貧

賦○區○爭○錙○銖○之○利○則○又○職○所○坐○視○無○策○心○寔○媿○悚○者○也○况○職

報○滿○在○即○瓜○代○伊○通○為○時○不○足○什○之○貳○而○所○徵○解○稅○額○尚○未○及

什○之○六○七○報○命○考○成○恐○粉○骨○未○足○取○盈○也○今○者○時○迫○事○急○不

得○不○大○聲○疾○呼○求○禁○于○憲○臺○之○前○伏○望○本○部○院○立○賜○嚴○示

危○詞○中○傷○凜○以○功○令○使○此○輩○各○愛○身○名○稍○知○款○戢○少○帶○貨

船○自○免○截○檢○不○惟○額○稅○有○禪○而○商○亦○可○流○通○矣

夫○帶○之○獎○何○代○無○之○鐘○明○季○而○甚○焉○者○特○又○增○一○種○悍○兵

猛○刃○耳○空○其○以○裁○疾○呼○之○難○已

禁盜源約

蘇州司李 失

欲禁盜賊不可不清其源如賭博其一也賭博之害不惟喪身

失家且使盜賊之黨真如薙絮之泥因賭博行竊劫之事真如

和油之麪故賭博一禁則良民無誘惑之端反人少着脚之地

矣乃有不良人等大開賭場招徠無賴棍徒撥賺良家子弟抽

牌擲骰任意抽頭上圖利己不顧人害致使其生理妨廢產業

飄零妻怨其夫子離其父擠人陷窞之內割人天性之恩且使

盜賊盛行地方不靜似此等輩不惟陰譴必重而且王法難逃

更聞有詩禮之人衣冠之輩不自愛重妄學狂且不知名教中

自有樂地何必乃爾致使人有李下之疑自損連城之價以
 一倡百和風不可回談之令人酸鼻今姑不追爾既往許爾等
 與盜賊一醉自新自今以後若再不悛許是處諸邑人等據定
 出首本縣賞銀三兩如獲真賊之例本犯初游街考生定行
 申泰依律定罪如容隱不舉事發保長里鄰人等一體連坐不
 恕

溺女典婦禁

嚴州 嵇爾 避 諱 永 錫 人

天地以好生為德婦道宜從一而終嚴有溺女之俗無論貧富

皆然夫虎毒且不食子況于人乎矧此呱呱而泣者甫肇生機

旋罹死法是可忍也孰不可忍至於貧兒之食則出典其婦媿

若生子子屬彼而婦仍歸此蓋以婦為本而子為利也甚至甲

典之乙乙復典之內一婦而展轉數人以夫家為傳舍及其碎

璧歸趙亦恬然不以為恥職目擊情真痛心疾首請憲通行六

縣勒石嚴禁如敢故犯許里隣首發治以重罪一以植天地之

和一以正人道之始憲臺主持風教故因條議而並及之

溺女慘風已
 俗林鐵崖一
 概至典婦之
 俗睦州為甚
 讀
 傳舍數夫碎
 歸不恥此閨
 世道人心善
 政允宜貞珉

